

四庫全書

史部

欽定四庫全書

資治通鑑卷一百五十七 宋 司馬光 撰

胡三省 音註

梁紀十三

起旃蒙單闕盡彊
圍大荒落凡三年

高祖武皇帝十三

大同元年春正月戊申朔大赦改元 是日魏文帝即

位於城西

城西長安城西也古者天子即位御前殿魏
自高歡立孝武帝僣用夷禮於郊拜天而後

即位大赦改元大統追尊父京兆王為文景皇帝妣楊氏

為皇后 魏渭州刺史可朱渾道元先附侯莫陳悅

死

悅死見上卷
中大通六年

丞相泰攻之不能克與盟而罷道元世

居懷朔與東魏丞相歡善又母兄皆在鄴由是常與歡

通泰欲擊之道元帥所部三千戶西北度烏蘭津抵靈

州

烏蘭津在平涼西北唐分平涼之會寧鎮置會州
又置烏蘭縣屬焉縣西南有烏蘭關帥讀曰率

靈

州刺史曹泥資送至雲州歡聞之遣資糧迎候拜車騎

大將軍

騎奇
寄翻

道元至晉陽歡始聞孝武帝之喪

魏孝武
去年十

殂

二月 啟請舉哀制服東魏主使羣臣議之太學博士潘

崇和以為君遇臣不以禮則無反服

記檀弓魯繆公問於子思曰為舊君

反服古與子思曰古之君子進人以禮退人以禮故有舊君反服之禮也今之君子進人若將加諸膝退人若將隊諸淵母為戎首不亦善乎又何反服之禮之有孟子齊宣王曰禮為舊君有服何如斯可為之服矣孟子曰諫行言聽膏澤下於民有故而去則君使人尊之出疆又先之於其所往去三年不反然後收其田里此之謂三有禮焉如此則為之服矣今也為臣諫則不行言則不聽膏澤不下於民有故而去則君搏執之又極之於其所往去之日遂收其田里此之謂寇讎寇讎何服之有

是以湯之民不哭桀周

武之民不服紂國子博士衛既隆李同軌議以為高后

於永熙離絕未彰宜為之服東魏從之

歡初立孝武納其長女以為皇

后帝之西奔
后留不從

魏驍騎大將軍儀同三司李虎等招諭

費也頭之衆與之共攻靈州凡四旬曹泥請降

驍堅克
翻騎奇

寄翻降
戶江翻

己酉魏進丞相畧陽公泰為都督中外諸軍

錄尚書事大行臺封安定王泰固辭王爵及錄尚書乃

封安定公以尚書令斛斯椿為太保廣平王贊為司徒

乙卯魏主立妃乙弗氏為皇后

乙弗之先世為吐谷
渾渠帥居青海即禿

髮傳僊所襲者也魏平涼州后之高祖莫子欽為皇太

環擁部落入附其後從孝文遣洛遂家焉

子后仁恕節儉不妬忌帝甚重之

以魏文帝之重乙弗
后而卒迫於彊敵使

后不得其死悲夫

稽胡劉蠡升自孝昌以来自稱天子改元

神嘉居雲陽谷

李延壽曰稽胡一日步落稽蓋匈奴別種劉元海五部之苗裔也或云山戎赤

狄之後自離石以西安定以東方七八百里居山谷間種荒繁熾

魏之邊境常被其患

謂之胡荒

言其本胡種侵擾漢民若在荒服之外者也被皮義翻

壬戌東魏丞相

歡襲擊大破之勃海世子澄通於歡妾鄭氏

歡封渤海王以澄為

世歡歸歸自襲稽胡

一婢告之二婢為證歡杖澄一百而幽

之婁妃亦隔絕不得見歡納魏敬宗之后爾朱氏有寵

生子澄

澄夷周翻

歡欲立之澄求救於司馬子如子如入見

歡偽為不知者請見婁妃歡告其故子如曰消難亦通

子如妾此事正可掩覆

難乃旦翻覆數又翻

妃是王結髮婦常以

父母家財奉王

程正叔曰古人言結髮事君

結髮戰匈奴只言初上頭時也

豈謂合髻子邪按婁妃本傳妃少見歡在城上執役慕之使婢通意又數致私財使以聘已父母不得已而許

馬王在懷朔被杖背無完皮妃晝夜供侍後避葛賊

葛賊

謂葛榮也

同走并州貧困妃然馬矢

然與然同

自作靴

隋志靴履也取便

於事施於戎服

恩義何可忘也夫婦相宜女配至尊

妃二女長配孝武帝

次配孝帝

男承大業

謂澄為世子也

且婁領軍之勳何宜搖動

妃弟

昭時為領
軍將軍

一女子如草芥况婢言不必信邪歡因使子

如更鞠之子如見澄尤之曰男兒何意畏威自誣因教

二婢反其辭

反音翻

脅告者自縊

縊於賜翻又於計翻

乃啟歡曰果

虛言也歡大悅召婁妃及澄妃遙見歡一步一叩頭澄

且拜且進父子夫婦相泣復如初

復扶翻

歡置酒曰全我

父子者司馬子如也賜之黃金百三十斤甲子魏以

廣陵王欣為太傅儀同三司万俟壽洛干為司空

万莫北翻

侯渠之翻壽洛干即受洛干

己巳東魏以丞相歡為相國假黃鉞殊

禮固辭 東魏大行臺尚書司馬子如帥大都督竇泰

太州刺史韓軌等攻潼關

按韓軌傳為秦州刺史又考魏收志東魏置秦州於河東

領河東北鄉二郡史蓋誤以秦為秦緣泰之誤又以泰為太師讀曰率

魏丞相泰軍於霸

上子如與軌回軍從蒲津宵濟攻華州

五代志後魏置東雍州於鄭縣

西魏改曰華州華戶化翻

時脩城未畢梯倚城外比曉東魏人乘梯

而入刺史王罷臥尚未起聞閣外匈匈有聲

比必利翻匈許容翻

匈匈喧袒身露髻徒跣持白挺大呼而出

挺待鼎翻杖也白挺即今

人所謂白梃也呼火故翻

東魏人見之驚却罷逐至東門左右稍集

合戰破之子如等遂引去

兵以氣勢為用兵之勇怯恃主帥以為氣勢王熙勇於赴

敵而其左右又勇於戰此其所以於不備不虞之中而能却敵也

二月辛巳上祀明

堂 壬午東魏以咸陽王坦為太傅西河王悰為太尉

悰但宗翻

東魏使尚書右僕射高隆之發十萬夫撤洛陽

宮殿運其材入鄴

丁亥上耕籍田

東魏儀同三司

婁昭等攻兗州樊子鵠使前膠州刺史嚴思達守東平

魏收志泰常中置東平郡太和末罷建義中復置治秦城屬濟州秦城在范縣界

昭攻拔之遂

引兵圍瑕丘久不下昭以水灌城己丑大野拔見子鵠

計事因斬其首以降始子鵠以衆少

降戶江翻少詩治翻

悉驅老

弱為兵子鵠死各散走諸將勸婁昭盡捕誅之昭曰此

州不幸橫被殘賊跂望官軍以救塗炭

橫戶孟翻跂去智翻舉踵也

今復誅之

復扶又翻下衆復同

民將誰訴皆捨之

戊戌司州刺

史陳慶之伐東魏與豫州刺史堯雄戰不利而還

東魏豫州

治汝南堯姓雄名

三月辛酉東魏以高盛為太尉高敖曹為

司徒濟陰王暉業為司空

濟子禮翻

東魏丞相歡偽與劉

蠡升約和許以女妻其太子

妻七細翻下同

蠡升不設備歡

舉兵襲之辛酉蠡升北部王斬蠡升首以降

降戶

江翻餘衆

復立其子南海王歡進擊擒之俘其皇后諸王公卿以

下四百餘人華夷五萬餘戶壬申歡入朝於鄴

朝直

逢翻以

孝武帝后妻彭城王韶

孝武帝后歡長女也

魏丞相泰以軍旅

未息吏民勞弊命所司斟酌古今可以便時適治者為

二十四條新制奏行之

治直吏翻

泰用武功蘇綽為行臺郎

中

魏收志太和十一年分扶風置武功郡屬岐州即漢魏武功縣之地

居歲餘泰未之知

也而臺中皆稱其能有疑事皆就決之

就蘇綽以決疑也此就即孟子

欲有謀焉則就之之就

泰與僕射周惠達論事惠達不能對請出

議之出以告綽綽為之區處

為於偽翻處昌呂翻

惠達入白之泰

稱善曰誰與卿為此議者惠達以綽對且稱綽有王佐

之才泰乃擢綽為著作郎泰與公卿如昆明池觀漁行

至漢故倉池

水經志沱水枝渠至章門西飛渠引水入城東為倉池池在未央宮西池有漸臺漢

兵起王莽死於此臺蘇綽傳亦云行至長安城西漢故倉池

顧問左右莫有知者泰召

綽問之具以狀對泰悅因問天地造化之始歷代興亡

之迹綽應對如流泰與綽並馬徐行至池竟不設網罟

而還

意在問綽不在觀漁還從宣翻又如字

遂留綽至夜間以政事臥而

聽之綽指陳為治之要

治直吏翻

泰起整衣危坐不覺膝之

前席

初臥而聽繼起而整衣危坐又不覺膝之前席蓋綽之言深有以當泰心久而愈敬也

語遂

達曙不厭

天曉為曙

詰朝謂周惠達曰蘇綽真奇士吾方任

之以政

結去吉翻

即拜大行臺左丞參典機密自是寵遇日

隆綽始制文按程式朱出墨入及計帳戶籍之法

計帳者具

來歲課役之大數以報度支戶籍者戶口之籍

後人多遵用之

世有有為之主必有能者出為

之用若謂天下無才吾不信也

東魏以封延之為青州刺史代侯淵淵

既失州任而懼行及廣川

沈約曰廣川縣本屬信都後漢屬清河魏屬渤海晉還清

河江左僑立廣川郡縣於濟南非舊所也魏收曰齊郡廣川縣有牛山齊桓公冢管仲冢五代志齊州長山縣

舊屬廣遂反夜襲青州南郭劫掠郡縣夏四月丞相歡

使濟州刺史蔡儁討之

禮子濟子

淵部下多叛淵欲南奔於

道為賣漿者所斬送首於鄴元慶和攻東魏城父

魏收

志陳留郡浚儀縣有城父城至隋改浚儀為城父縣屬

譙郡五代志譙郡城父縣宋置浚儀縣又考沈約志陳

留浚儀縣並寄治譙郡長垣縣界則知諸志所謂浚儀

非我宋朝開封府之浚儀也魏收志梁州陳留郡浚儀

縣則我宋朝開封之浚儀也真宗改浚儀曰祥丞相歡

符所謂城父則今亳州之城父縣是也父音甫

遣高敖曹帥三萬人趣項寶泰帥三萬人趣城父侯景

帥三萬人趣彭城

帥讀曰率
趣七徐翻

以任祥為東南道行臺僕

射節度諸軍

任音
壬

五月魏加丞相泰柱國

柱國大
將軍

元慶和引兵逼東魏南兗州東魏洛州刺史韓賢拒之

東魏既遷鄴以洛陽為洛州領洛陽河陰新安中川河南陽城郡

六月慶和攻南頓豫

州刺史堯雄破之

秋七月甲戌魏以開府儀同三司

念賢為太尉萬俟壽洛干為司徒開府儀同三司越勒

肱為司空

越勒出於越勒
部因以為姓

益州刺史鄱陽王範南梁

州刺史樊文爚

五代志普安郡梁置南梁州後改為安州西魏改曰始州至唐改始州曰劍州

合兵圍晉壽魏東益州刺史傅敬和來降

降戶

範恢之

子

都陽王恢費妃敬和豎眼之子也

傳豎眼著功梁益而子為降虜隕其

家聲忽諸豎而庾翻

魏下詔數高歡二十罪

數所具翻

且曰朕將親

總六軍與丞相掃除凶醜歡亦移檄於魏謂宇文黑獺

斛斯椿為逆徒且言令分命諸將領兵百萬刻期西討

將即亮翻

東魏遣行臺元晏擊元慶和

或告東魏司空

濟陰王暉業與七兵尚書薛琚貳於魏

曹魏置五兵尚書謂中兵外兵

騎兵別兵都兵也及晉分中兵外兵為左右與舊五兵為七曹然尚書唯置五兵而已無七兵尚書之名至後魏始有七兵尚書北齊倣為八月辛卯執送晉陽皆免五兵琅昌六翻濟子禮翻

官

時東魏丞相歡居晉陽執送二人取其裁決春秋晉為方伯執列國君臣之違命者歸之京師經猶貶之

況自京師而執送晉陽乎

甲午東魏發民七萬六千人作新宮於

鄴使僕射高隆之與司空冑曹參軍辛術共營之

元魏公府

有法墨田水鎧冑集士等曹皆行參軍也

築鄴南城周二十五里術琛之子

也

辛琛見一百四十七卷天監六年琛丑林翻

趙剛自蠻中往見東魏東

荊州刺史趙郡李愍勸令附魏愍從之剛由是得至長

安丞相泰以剛為左光祿大夫剛說泰召賀拔勝獨孤

信等於梁

剛沒蠻中勝信奔梁竝見上卷上年說式芮翻

泰使剛來請之九

月丁巳東魏以開府儀同三司襄城王旭為司空

旭吁王翻

冬十月魏太師上黨文宣王長孫稚卒

長知兩翻

魏泰

州刺史王超世丞相泰之內兄也

母黨以兄弟齒謂之內兄內弟驕而

黷貸泰奏請加法詔賜死十一月丁未侍中中衛將

軍徐勉卒

卒子恤翻

勉雖骨鯁不及范雲亦不阿意苟合故

梁世言賢相者稱范徐云

范徐既沒專任朱异梁殆矣

癸丑東魏

主祀園丘 甲午東魏閭闔門災門之初成也高隆之

乘馬遠望謂其匠曰西南獨高一寸量之果然

高居奧翻量音

良太府卿任忻集自矜其巧不肯改

任音

隆之恨之至

是譖於丞相歡曰忻集潛通西魏令人故燒之歡斬之

北梁州刺史蘭欽引兵攻南鄭

梁以鄭為北梁州蓋以欽為刺史使之

圖南鄭也魏梁州刺史元羅舉州降

降戶江翻考異曰典畧在七月今從梁帝紀

東魏以丞相歡之子洋為驃騎大將軍開府儀同三

司封太原公

洋音羊又音祥驃匹妙翻騎奇寄翻下同

洋內明決而外如不

慧兄弟及衆人皆嗤鄙之嗤丑翻獨歡異之謂長史薛珣

曰此兒識慮過吾幼時歡嘗欲觀諸子意識使各治亂

絲治直之翻下同洋獨抽刀斬之曰亂者必斬又各配兵四出

使都督彭樂帥甲騎偽攻之兄澄等皆怖撓帥讀曰率怖普布翻

撓奴教翻洋獨勒衆與樂相格樂免胄言情猶擒之以獻初

大行臺右丞楊愔從兄岐州刺史幼卿以直言為孝武

帝所殺愔於今翻從才用翻愔同列郭秀害其能恐之曰高王欲

送卿於帝所愔懼變姓名逃於田橫島五代志東萊郡即墨縣有田橫

畧久之歡聞其尚在召為太原公開府司馬為楊愔為洋所親任

張本項之復為大行臺右丞復扶又翻十二月甲午東魏文

武官量事給祿隨任事之輕重以為給祿之差量音良魏以念賢為太

傅河州刺史梁景獻為太尉是歲鄱陽妖賊鮮于琛

改元上願有眾萬餘人妖於驕翻琛丑林翻鄱陽內史吳郡陸襄

討擒之按治黨與無濫死者民歌之曰鮮于平後善惡

分民無枉死賴陸君柔然頭兵可汗求婚於東魏丞

相歡以常山王妹為蘭陵公主妻之柔然數侵魏妻七細翻

數所角翻魏使中書舍人庫狄峙奉使至柔然與約和親疏使

更翻由是柔然不復為寇復扶又翻

二年春正月辛亥魏祀南郊改用神元皇帝配魏高祖太和十

六年以太祖道武皇帝配南郊神元皇帝紀甲子東魏丞

相歡自將萬騎襲魏夏州將即亮翻奇寄翻夏戶雅翻身不火食四

日而至縛稍為梯稍色角翻夜入其城擒刺史斛拔俄彌突

因而用之留都督張瓊將兵鎮守遷其部落五千戶以

歸魏靈州刺史曹泥與其塔凉州刺史普樂劉豐復

叛降東魏

魏置普樂郡屬靈州五代史志靈武郡迴樂縣後周置帶普樂郡宋白曰靈州西南至京

州九百里去年曹泥降魏今復叛樂音洛復扶又翻降戶江翻

魏人圍之齊書典畧皆

云周文圍泥周書不言故但云魏人

水灌其城不沒者四尺東魏丞相歡

發阿至羅三萬騎徑度靈州繞出魏師之後魏師退歡

帥騎迎泥及豐拔其遺戶五千以歸

高歡豈不欲與宇文爭靈州哉雖鞭

之長不及馬腹也

以豐為南汾州刺史

東魏置南汾州於定陽隋改定陽縣為吉昌縣

唐為慈州治所

東魏加丞相歡九錫固讓而止上為文帝

作皇基寺以追福

帝追尊考順之曰文皇帝為於偽翻

命有司求良材曲

阿弘氏自湘州買巨材東下南津校尉孟少卿欲求媚

於上

據梁紀普通六年南州津改置校尉增加誣弘氏奉秩南州即今采石校戶教翻少詩照翻

為劫而殺之沒其材以為寺

殺無罪之人取其材以為寺福田利益果安在哉

二月乙亥上耕籍田東魏勅海世子澄年十五為

大行臺并州刺史

中大通五年魏以歡為大行臺歡授其子澄歡居晉陽并州刺史地任

要重故亦求入鄴輔朝政

朝直遙翻下同

丞相歡不許丞相主

簿樂安孫寧為之請

為偽翻下同

乃許之丁酉以澄為尚

書令加領軍京畿大都督

考異曰魏帝紀為尚書令大行臺大都督北齊文襄紀天

平元年為尚書令大行臺并州刺史入輔朝政加領軍
左右京畿大都督按尚書令不在外大行臺不在內今
兩捨魏朝雖聞其器識猶以年少期之少詩既至用法

嚴峻事無凝滯中外震肅引并州別駕崔暹為左丞吏

部郎親任之司馬子如高季式召孫寧劇飲醉甚而卒

卒子丞相歡親臨其喪子如叩頭請罪歡曰卿折我右

臂折而為我求可代者子如舉中書郎魏收歡以收為

主簿收子建之子也魏子建見一百五十卷他日歡謂季式

曰卿飲殺我孫主簿飲於魏收治文書不如我意治直

司徒嘗稱一人謹密者為誰

時東魏以高
教曹為司徒

季式以司徒

記室廣宗陳元康對曰是能夜中闇書快吏也召之一

見即授大丞相功曹掌機密

考異曰典畧孫季式在
大同十年四月按季式卒在

後陳元康為功曹高慎叛高澄已令元康救崔暹
之戰元康又勸高歡追宇文泰事竝在九年北史元康

傳又云草劉蠡升軍書按蠡升滅在元年孫季式
年猶存今不取然則季式宜置於澄入輔之下遷大

行臺都官郎時軍國多務元康問無不知歡或出臨行

留元康在後馬上有所號令九十餘條元康屈指數之

盡能記憶與功曹平原趙彥深同知機密時人謂之陳

趙而元康勢居趙前性又柔謹歡甚親之曰如此人誠

難得天賜我也彥深名隱以字行東魏丞相歡令阿

至羅逼魏秦州刺史万俟万莫北翻普侯渠之翻歡以衆應之

三月戊申丹楊陶弘景卒弘景博學多藝能好養生之

術仕齊為奉朝請棄官隱居茅山茅山在今建康府句容縣南五十里山記

云漢時有三茅君各乘一鶴來此故名焉卒子恤翻好呼到翻朝直遙翻上早與之遊及即

位恩禮甚篤每得其書焚香虔受屢以手敕招之弘景

不出國家每有吉凶征討大事無不先諮之月中嘗有

數信

月中謂一月之信使信也

時人謂之山中宰相將沒為詩曰

夷甫任散誕平叔坐論空

王衍字夷甫何晏字平叔以魏晉喻梁也誕徒旱翻

豈

悟昭陽殿遂作單于宮

弘景傳曰後侯景篡果在昭陽殿史言脩道之士有識時知數

者時士大夫競談玄理不習武事故弘景詩及之 甲

寅東魏以華山王鷲為大司馬

華戶化翻

魏以涼州刺史

李叔仁為司徒万俟洛為太宰

洛字受洛干亦曰壽洛干受壽同音洛樂亦同

晉按北齊有太宰之官仍晉制也西魏用周制置大冢宰無太宰

夏四月乙未以驃

騎大將軍開府同三司之儀元法僧為太尉

梁開府儀同三司之

下又有開府
同三司之儀

尚書右丞考城江子四上封事極言政

治得失

上時掌翻
治直吏翻

五月癸卯詔曰古人有言屋漏在上

知之在下朕有過失不能自覺江子四等封事所言尚

書可時加檢括於民有蠹患者宜速詳啟

江子四所上
封事必不敢

言帝崇信釋氏而窮兵廣地適以毒民用法寬於
權貴而急於細民等事特毛舉細故而論得失耳

戊

辰東魏高盛卒

高盛東
魏太尉

魏越勒肱卒

越勒肱
魏司空

魏秦

州刺史万俟普與其子太宰洛誦州刺史叱干寶樂右

衛將軍破六韓常及督將三百人奔東魏

阿至羅兵近
普等因之以

東奔考異曰普降東魏事北齊書帝紀在三月甲午
典畧在六月北史齊紀在六月甲午周書帝紀北史魏
紀齊紀在五月今從之按考異前既引北齊書帝紀
又引北史齊紀不應北史魏紀之下後出齊紀必有誤
丞相泰輕騎追之至河北千餘里不及而還河北龍門

也還從宣翻
又如字下同

秋七月庚子東魏大赦上待魏降將賀

拔勝等甚厚勝請討高歡上不許勝等思歸前荊州大

都督撫寧史寧謂勝曰

按寧傳寧居撫寧鎮考魏北鎮

志雕陰郡開疆縣有後魏撫寧郡
又有撫寧縣亦屬雕陰郡

朱异言於梁主無不從

請厚結之勝從之上許勝寧及盧柔皆北還

盧柔蓋去年從勝來

奔親餞之於南苑勝懷上恩自是見禽獸南向者皆不

射之

射而亦翻

行至襄城東魏丞相歡遣侯景以輕騎邀之

勝等棄舟自山路逃歸

勝等舟行蓋自淮入潁自潁入汝汭流而西入山路自三鵝取

武闕也

從者凍餒道死者大半

從才用翻

既至長安詣闕謝罪

魏主執勝手歔歔曰乘輿播越天也

乘繩證翻

非卿之咎丞

相泰引盧柔為從事中郎與蘇綽對掌機密九月壬

寅東魏以定州刺史侯景兼尚書右僕射南道行臺督

諸將入寇

將即亮翻

魏以扶風王孚為司徒斛斯椿為太

傳冬十月乙亥詔大舉伐東魏東魏侯景將兵七萬

寇楚州

魏收志梁置楚州治楚城領汝陽竹城城陽郡五代志汝南城陽縣梁置楚州

虜刺史

桓和進軍淮上南北司二州刺史陳慶之擊破之景棄

輜重走

重直用翻

十一月己亥罷北伐之師

魏復改始祖

神元皇帝為太祖道武皇帝為烈祖

魏改二祖廟號見一百三十七卷齊

武帝永明九年復扶又翻

十二月東魏以并州刺史尉景為太保

壬申東魏遣使請和

使疏更翻

上許之

東魏清河文宣

王亶卒

考異曰國典云亶為高歡所醜典畧周太祖數歡罪亦云殺亶魏書北史皆無亶傳而帝紀

皆云靈薨
今從之

丁丑東魏丞相歡督諸軍伐魏遣司徒高

敖曹趣上洛大都督竇泰趣潼關

趣七
喻翻

癸未東魏以

咸陽王坦為太師是歲魏關中大饑人相食者什七

八

三年春正月上祀南郊大赦東魏丞相歡軍蒲坂造

三浮橋欲度河魏丞相泰軍廣陽

魏收志景明元年置
廣陽縣屬馮翊郡

謂諸將曰賊倚吾三面

蟻居
翻

作浮橋以示必度此欲綴

吾軍使竇泰得西入耳歡自起兵以來竇泰常為前鋒

其下多銳卒屢勝而驕今襲之必克克秦則歡不戰自走矣諸將皆曰賊在近捨而襲遠脫有蹉跌悔何及也

蹉七何翻
跌徒結翻

不如分兵禦之丞相秦曰歡再攻潼關吾軍

不出灊上

中大通六年歡攻潼關
元年歡兵又攻潼關

今大舉而來謂吾亦

當自守有輕我之心乘此襲之何患不克賊雖作浮橋未能徑度不過五日吾取寶秦必矣行臺左丞蘇綽中兵參軍代人達奚武亦以為然庾戌丞相泰還長安諸將意有異同丞相泰隱其計以問族子直事郎中深

晉武

帝置直事郎在尚書諸曹郎之上

深曰竇泰歡之驍將

驍堅堯翻將即亮翻

今大

軍攻蒲坂則歡拒守而泰攻之吾表裏受敵此危道也

不如選輕銳潛出小關

小關在潼關之左唐時謂之禁谷

竇泰躁急必

來決戰

躁則到翻

歡持重未即救我急擊泰必可擒也擒泰

則歡勢自沮

沮在呂翻

回師擊之可以決勝丞相泰喜曰此吾心

也乃聲言欲保隴右辛亥謁魏主而潛軍東出癸丑旦

至小關竇泰猝聞軍至自風陵度丞相泰出馬牧澤

水經

注曰桃林之塞湖水出焉其中多野馬三秦記曰桃林塞在長安東四百里若有軍馬經過則牧華山休息林

下馬牧澤蓋
即此地也

擊竇泰大破之士卒皆盡竇泰自殺傳首

長安丞相歡以河水薄不能赴救撤浮橋而退儀同代人

薛孤延為殿

通志曰作蔭孤
使姓殿丁練翻

一日斫十五刀折乃得免

折即丞相

泰亦引軍還

此一役皆書丞相泰所以別竇
泰也歷攷前後高歡宇文泰皆

書丞相於此
尤為有別

高教曹自商山轉鬪而進

杜佑曰商山在
商州上洛縣

所向無前遂攻上洛郡人泉岳及弟猛畧與順陽人杜

窋等謀翻城應之

窋竹律翻
又丁骨翻

洛州刺史泉企知之

此魏
太和

中所改洛州也治上洛時屬
西魏企字兩道音去智翻

殺岳及猛畧杜窋走歸教

曹教曹以為鄉導而攻之教曹被流矢通中者三

鄉讀曰嚮

被皮義翻
中作仲翻

殞絕良久復上馬免胄巡城企固守旬餘二

子元禮仲遵力戰拒之仲遵傷目不堪復戰城遂陷企

見教曹曰吾力屈非心服也教曹以杜窰為洛州刺史

教曹創甚

優扶又翻
創初良翻

曰恨不見季式作刺史

季式教丞
曹弟也

相歡聞之即以季式為濟州刺史教曹欲入藍田關

唐志

京兆藍田縣有藍田關
故嶢關也濟子禮翻

歡使人告曰竇泰軍沒人心恐

動宜速還路險賊盛拔身可也教曹不忍棄衆力戰全

軍而還以泉企泉元禮自隨泉仲遵以傷重不行企私戒二子曰吾餘生無幾汝曹才器足以立功勿以吾在東逐虧臣節元禮於路逃還泉杜雖皆為土豪鄉人輕杜而重泉元禮仲遵陰結豪右襲害殺之魏以元禮世

襲洛州刺史

二月丁亥上耕籍田

籍秦昔翻

己丑以尚

書左僕射何敬容為中權將軍

中權將軍二百四十號之一也

護軍將

軍蕭淵藻為左僕射右僕射謝舉為右光祿大夫魏

槐里獲神璽

槐里縣漢屬扶風晉屬郡後魏復屬扶風璽斯氏翻

大赦

三月

辛未東魏遷七帝神主入新廟

七帝道武明元太武大成獻文孝文宣武大

赦魏斛斯椿卒

時斛斯椿為魏太傅按椿居爾朱高歡之間以智數間搆其君臣之際爾

朱氏既為所夷而高歡亦不能制也及入關之後與宇文泰同列若無能為者權不在己無以舞弄其智數也

夏五月魏以廣陵王欣為太宰賀拔勝為太師六

月魏以扶風王孚為太保梁景獻為太傅廣平王贊為

太尉開府儀同三司武川王盟為司空東魏丞相歡

遊汾陽之天池

水經注太原汾陽縣北燕京山上有大池池在高原之上世謂之天池方里餘

其水澄淨鏡得奇石隱起成文曰六王三川以問行臺淨而不流

郎中陽休之對曰六者大王之字

歡字賀六王者當王

天下河洛伊為三川涇渭洛亦為三川

涇渭洛之洛指關中之洛水今

徑廊坊同三州而入於渭當王於况翻

大王若受天命終應奄有關洛歡

曰世人無事常言我反况聞此乎慎勿妄言休之固之

子也

陽固事魏孝文帝嘗從劉昶南伐

行臺郎中中山杜弼承間勸歡

受禪歡舉杖擊走之

高歡之志蓋如曹操所謂吾為周文王者非真無移魏鼎之心也間

古苑翻

東魏遣無散騎常侍李諧來聘以吏部郎盧元

明通直侍郎李業興副之

通直侍郎即通直散騎侍郎散悉盧翻騎奇寄翻

平之孫

李平崇之從弟
事孝文宣武

元明昶之子也

盧昶盧玄之孫

秋七月

諧等至建康上引見與語

見賢通翻

應對如流諧等出上目

送之謂左右曰朕今日遇勅敵

勅其京翻

卿輩嘗言北間全

無人物此等何自而來是時鄴下言風流者以諧及隴

西李神儁范陽盧元明北海王元景弘農楊遵彥清河

崔贍為首

贍而艷翻

神儁名挺寶之孫

李寶自敦煌歸魏其後貴盛

元景

名昕憲之曾孫也

王憲猛之孫
皇始中歸魏

皆以字行贍懷之子也

力時南北通好

好呼到翻

務以俊入相誇銜命接客必盡一時之選

銜命奉使者也
接客主客也

無才地者不得與焉

與讀曰預

每梁使至鄴

使疏吏翻下同鄴

下為之傾動貴勝子弟盛飾聚觀禮贈優渥館門成市

宴日高澄常使左右覘之一言制勝澄為之拊掌魏使

至建康亦然

兩國通使各務夸矜以見所長自古然矣昭奚恤之事猶可以服覘國者之心為於

偽翻覘丑廉
翻又丑艷翻

獨孤信求還北上許之信父母皆在山

東

魏孝武西遷信
棄父母追從之

上問信所適信曰事君者不敢顧私

親而懷貳心上以為義禮送甚厚信與楊忠皆至長安

上書謝罪魏以信有定三荆之功

定三荆見上卷
中大通六年

遷驃

騎大將軍加侍中開府儀同三司餘官爵如故

驃匹妙翻騎奇

寄翻丞相泰愛楊忠之勇留置帳下 魏宇文深勸丞相

泰取恒農八月丁丑泰帥李弼等十二將伐東魏以北

雍州刺史于謹為前鋒攻盤豆拔之

恒戶登翻帥讀曰率將即亮翻雍於

用翻五代志雍州華原縣後魏置北雍州恒農湖城關鄉之西有皇天原原西有盤豆城戊子至恒

農唐寅拔之擒東魏陝州刺史李徽伯

魏收志太和十一年置陝州治

陝城帶恒農郡領西恒農澗池石城河北郡陝式冉翻

俘其戰士八千時河北諸

城多附東魏左丞楊檟自言父猛嘗為郃郡白水令

左丞

行臺左丞也魏收志皇興四年置邵郡治白水縣五代
志絳郡垣縣後魏置邵郡及白水縣裴慶孫傳邵郡治
陽胡城去軹關二百餘里孔穎達曰垣縣有召亭因以
名郡宋白曰絳州垣縣其地即周召分陝之所今縣東
六十里有邵原祠廟與古棠樹春秋襄二十二年齊侯
伐晉取朝歌入孟門登太行張武軍於熒庭戍耶邵後魏
獻文四年置邵知其豪傑請往說之以取邵郡說式蒞

州柵與標同

同泰許之柵乃與土豪王覆憐等舉兵收邵郡守程保

翻下諱

及縣令四人斬之表覆憐為郡守守式翻遣諜說諭東魏

城堡旬月之間歸附甚衆

諜達協翻

東魏以東雍州刺史司

馬恭鎮正平

正平本漢晉之臨汾縣地魏真君七年分
置太平縣神龜元年改為正平太和十八

年置正平郡帶聞喜縣屬東
雍州杜佑曰絳州治正平縣
司空從事中郎聞喜裴邃

欲攻之恭棄城走秦以楊柵行正平郡事
上脩長干

寺阿育王塔出佛爪髮舍利辛卯上幸寺設無礙食
建今

康府上原縣有長干里去縣五里李白長干行所謂同
居長干里乃秣陵縣東里巷江東謂山隴之間曰干僧

家載國事曰佛泥洹後天人以新白縹裏佛以香花供
養滿七日盛以金棺送出王官可三里許在宮各以旃

檀木為薪天人各以火燒薪斂舍利得八斛四斗諸國
王各得少許齋還本國以造佛寺阿育王起浮圖於佛

泥洹處李延壽扶南傳曰長干寺塔吳時有尼居其地
為小精舍孫綝毀除之吳平後諸道人優於舊處建立

晉簡文咸安中造塔孝武太原九年上金相輪及承露
其後有西河離石縣胡人劉蔭何遇疾暴亡七日而蘇

因此出家名慧達遊行至丹陽長千里有阿育王塔掘
入一丈得金函盛三舍利及佛爪髮遷舍利近北對簡
文所造塔西造塔及帝開之初穿土四尺得龍窟及昔
人所捨金銀釵釧鐻等諸雜寶物可深九尺許至石
礫之下有石函內有鐵壺以盛銀坩坩內有金縷覺
盛三舍利如粟粒大圓正光潔函內有瑠璃盃心得
四舍利及髮爪爪有四枚竝為沈香色髮青紺色衆僧
以手伸之隨手長短放之則旋屈為蟲形帝乃設無礙
大會暨二利各以金罌次玉罌重盛舍利及爪髮大赦
內七寶塔內又以石函盛寶塔分入兩刹刹下
九月柔然為魏侵東魏三堆魏收志肆州永安郡平冠縣真君七年并三堆
縣屬馬有三堆戊隋改平冠縣為崞縣屬雁門郡宋白
曰嵐州靜樂縣本漢汾陽縣地城內有堆阜三俗名三
堆城為丞相歡擊之柔然退走行臺郎中杜弼以文武
于偽翻

在位多貪汙言於丞相歡請治之

治直翻

歡曰弼來我語

爾

語牛倨翻

天下貪汙習俗已久今督將家屬多在關西

此指

言可朱渾道元万俟普劉豐生等部曲也將即亮翻

宇文黑獺常相招誘人情去

留未定

獺他達翻誘音酉

江東復有吳翁蕭衍專事衣冠禮樂

優扶又翻

中原士大夫望之以為正朔所在我若急正綱紀不

相假借恐督將盡歸黑獺士子悉奔蕭衍人物流散何

以為國爾宜少待吾不忘之

史言高歡權時施宜以凝固其衆捨小過以成大功

少詩治翻

歡將出兵拒魏杜弼請先除內賊歡問內賊為誰

弼曰諸勲貴掠奪百姓者是也歡不應使軍士皆張弓注矢舉刀按稍夾道羅列命弼冒出其間弼戰慄流汗歡乃徐諭之曰矢雖注不射刀雖舉不擊稍雖按不刺

稍色角翻射而亦翻刺七亦翻

爾猶亡魂失膽諸勲人身犯鋒鏑百死

一生雖或貪鄙所取者大豈可同之常人也弼乃頓首謝不及歡每號令軍士常令丞相屬代郡張華原宣旨其語鮮卑則曰漢民是汝奴夫為汝耕婦為汝織輸汝粟帛令汝溫飽汝何為陵之其語華人則曰鮮卑是汝

作客

言汝傭作之客也語牛倨翻為于偽翻下同

得汝一斛粟一匹絹為汝

擊賊令汝安寧汝何為疾之

史言高歡雜用夷夏有撫御之術

時鮮卑

共輕華人唯憚高教曹歡號令將士常鮮卑語教曹在

列則為之華言教曹返自上洛歡復以為軍司大都督

統七十六都督

復扶又翻

以司空侯景為西道大行臺

使景經畧

關西也

與教曹及行臺任祥御史中尉劉貴豫州刺史堯

雄冀州刺史万俟洛同治兵於虎牢

任音壬万莫北翻俟渠之翻治直之

翻下同

教曹與北豫州刺史鄭嚴祖握槩

魏太常中置豫州治虎牢後得

汝南置豫州以虎牢為北豫州領廣武滎陽成臯郡握
梁亦博塞之戲也劉禹錫觀博曰初主人執握梁之器
寘於廡下曰主進者要約之既揖讓即次有博齒齒異
乎古之齒其制用骨觚稜四均鏤以朱墨偶而合數取
應日月視其轉止依以爭道是制也行之久矣莫詳所
祖以其用必投擲以博投詔之又爾朱世隆與元世儁
握梁忽聞局上訖然有聲一局子盡倒立世隆甚惡之
既而及禍李延壽曰握梁此蓋胡戲近入中國云胡王
有弟一人過罪將殺之從獄中貴召嚴祖教曹不時遣
為此戲上之意言孤則易死也貴召嚴祖教曹以刀
枷其使者使者曰枷則易脫則難枷居牙翻教曹以刀
就枷刎之曰又何難貴不敢校明日貴與教曹坐外白
治河役夫多溺死狄翻貴曰一錢漢言漢人賤也隨之死教

曹怒拔刀斫貴貴走出還營教曹鳴鼓會兵欲攻之侯
景万俟洛共解諭久之乃止教曹嘗詣相府門者不納
教曹引弓射之

射而亦翻

歡知而不責

閏月甲子以武陵

王紀為都督益梁等十三州諸軍事益州刺史

為後紀與相東

爭國張本

東魏丞相歡將兵二十萬自壺口趣蒲津

班志壺口

山在河東郡北屈縣東南北屈後魏改為禽昌縣屬平陽郡隋改禽昌為襄陵縣將即亮翻下同趣七喻翻

使高教曹將兵三萬出河南時關中饑魏丞相泰所將
將士不滿萬人館穀於恒農五十餘日聞歡將濟河乃

引兵入關高敖曹遂圍恒農

恒農戶登翻

歡右長史薛琡言於

歡曰

琡齒音翻

西賊連年饑饉故冒死來入陝州欲取倉粟

今敖曹已圍陝城粟不得出

陝式冉翻

但置兵諸道勿與野

戰比及麥秋

比必利翻記月令孟夏之月麥秋至

其民自應餓死寶炬黑

獺何憂不降

降戶江翻

願勿度河侯景曰今茲舉兵形勢極

大萬一不捷猝難收歛不如分為二軍相繼而進前軍

若勝後軍全力前軍若敗後軍承之歡不從自蒲津濟

河

考異曰北齊帝紀十一月壬辰神武自蒲津濟魏

帝紀十月壬辰敗於沙苑按長曆十月壬辰朔北齊

紀誤丞相泰遣使戒華州刺史王羆羆語使者曰老羆也

當道臥貉子那得過歡至馮翊城下

使疏吏翻華戶代翻語牛倨翻五代

志馮翊郡後魏曰華州西魏後改曰同州馮翊縣後魏曰華陰貉曷各翻北方有之似狐善睡康曰貉莫白切說文云北方豸種也鄭玄曰貉子曰狸郭璞曰今江東通呼貉為狻狻余按北方豸種乃指夷貉之貉孟子所謂大貉小貉者也此乃狐謂羆曰何不早降降戶羆大貉之貉當從諸家之說

呼曰

呼火故翻

此城是王羆冢死生在此欲死者來歡知不

可攻乃涉洛軍於許原西

漢志馮翊懷德縣南有荆山山下有彊梁原洛水東南入

渭許原蓋在洛水之南

泰至渭南徵諸州兵皆未會欲進擊歡諸

將以衆寡不敵請待歡更西以觀其勢泰曰歡若至長

安則人情大擾今及其遠來新至可擊也即造浮橋於

渭令軍士齎三日糧輕騎度渭輜重自渭南夾渭而西

重直冬十月壬辰泰至沙苑水經注沙苑在渭北沙苑

代志馮翊縣有沙苑距東魏軍六十里諸將皆懼宇文深獨賀泰

問其故對曰歡鎮撫河北甚得衆心以此自守未易可

圖易弋今懸師渡河非衆所欲獨歡恥失寶泰懷諫而

來所謂忿兵懷弼力翻戾也漢魏相曰爭恨細故可不

不忍憤怒者謂之忿兵忿者敗

戰擒也事理昭然何為不賀願假深一節發王羅之兵

邀其走路使無遺類泰遣須昌縣公達奚武覘歡軍

丑覘

廉翻又丑艷翻

武從三騎皆效歡將士衣服日暮去營數百步

下馬潛聽得其軍號因上馬歷營若警夜者有不如法

往往捷之具知敵之情狀而還

還從宣翻又如字

歡聞泰至癸

巳引兵會之候騎告歡軍且至泰召諸將謀之開府儀

同三司李弼曰彼衆我寡不可平地置陳此東十里有

渭曲可先據以待之泰從之背水東西為陳

陳讀曰陣下臨陳魏

陳李弼為右拒趙貴為左拒杜預曰拒方陳陸德明曰拒俱甫翻命將士

皆偃戈於葦中約聞鼓聲而起晡時東魏兵至渭曲晡奔

謨翻都督太安斛律羨舉曰黑獺舉國而來欲一死決欲言

盡死力戰之以決勝負譬如獺狗或能噬人獺漢書音義征例翻又居例翻狂犬也左

傳曰國犬之且渭曲葦深土濘無所用力濘乃定翻泥濘也不

如緩與相持密分精銳徑掩長安巢穴既傾則黑獺不

戰成擒矣使斛律羨舉之計行西魏殆哉歡曰縱火焚之何如侯景曰

當生擒黑獺以示百姓若衆中燒死誰復信之侯景此言固亦

有恃衆輕敵之心復扶
又翻下復戰可復同

彭樂盛氣請鬪曰我衆賊寡百

人擒一何憂不克歡從之東魏兵望見魏兵少爭進擊

之無復行列

史言東魏將士皆恃衆輕敵故敗

兵將交

丞相泰鳴鼓士皆奮起于謹等六軍與之合戰李弼帥

鐵騎橫擊之

時東魏之師萃於左拒于謹等與之合戰

東魏兵中絕為二遂大破之李弼弟欒身小而勇

標同

每躍馬陷陳隱身鞍甲之中敵見皆曰避此小兒泰歎

曰膽決如此何必八尺之軀征虜將軍武川耿令貴殺

傷多甲裳盡赤

左傳晉楚戰于邲屈蕩搏趙旃
得其甲裳杜預注曰下曰裳

泰曰觀

其甲裳足知令貴之勇何必數級

謂不必數其斬獲首級之多少

彭樂

乘醉深入魏陳魏人刺之

刺七亦翻

腸出內之復戰丞相歡

欲收兵更戰使張華原以簿歷營點兵

簿者軍之名籍

莫有應

者還白歡曰衆盡去營皆空矣歡猶未肯去阜城侯斛

律金曰衆心離散不可復用宜急向河東歡據鞍未動

金以鞭拂馬乃馳去夜度河船去岸遠歡跨橐駝就船

乃得度喪甲士八萬人

喪息浪翻

棄鎧仗十有八萬

鎧可翻

丞

相泰追歡至河上選留甲士二萬餘人餘悉縱歸都督

李穆曰高歡破膽矣速追之可獲泰不聽

沙苑之戰宇文泰不敢乘

勝追高歡邛山之戰歡不敢乘勝追泰蓋二

還軍渭南

所徵之兵甫至

甫方也

乃於戰所人植柳一株以旌武功

侯景言於歡曰黑獺新勝而驕必不為備願得精騎二

萬徑往取之歡以告婁妃妃曰設如其言景豈有還理

得黑獺而失景何利之有歡乃止魏加丞相泰柱國大

將軍李弼十二將皆進爵增邑有差

十二將李弼獨孤信梁樂趙貴于謹

古千惠怡峯劉亮王德侯
莫陳崇李遠奚達武也

高教曹聞歡敗釋恒農退保

洛陽已固魏行臺宮景壽等向洛陽

宮姓也左傳虞東大夫有宮之奇

魏洛州大都督韓賢擊走之州民韓木蘭作亂賢擊破

之一賊匿尸間賢自按檢收鎧仗賊歟起斫之斷脛而

卒

歟許勿翻斷丁管翻下兵斷同脛胡定翻

魏復遣行臺馮翊王季海與獨

孤信將步騎二萬趣洛陽

復扶又翻趣七喻翻下同

洛州刺史李顯

趣三荆

西魏洛州治上洛

賀拔勝李弼圍蒲坂東魏丞相歡之

西伐也蒲坂民敬珍謂其從祖兄祥曰高歡迫逐乘輿

乘繩證翻

天下忠義之士皆欲割刃於其腹

從才用翻割側吏翻賈公彥曰

割猶立也東齊人謂立物地中為割

今又稱兵西上

上時掌翻

吾欲與兄起兵

斷其歸路此千載一時也

斷丁管翻

祥從之糾合鄉里數日

有衆萬餘會歡自沙苑敗歸祥珍帥衆邀之斬獲甚衆

賀拔勝李弼至河東祥珍帥猗氏等六縣十餘萬戶歸

之

猗氏縣自漢以來屬河東郡丁度曰猗氏本郇國也後以猗頓居於此因為猗氏按左傳所謂郇瑕氏之

地沃而近鹽其後猗頓居之用鹽鹽起富丞相泰以珍遂以猗氏名縣而郇瑕氏隱矣帥讀曰率

為平陽太守祥為行臺郎中東魏秦州刺史薛崇禮守

蒲坂

蒲坂縣名注見周報王十二年

別駕薛善崇禮之族弟也言於崇禮

曰高歡有逐君之罪善與兄忝衣冠緒餘世荷國恩今

大軍已臨而猶為高氏固守

荷下可翻為于偽翻

一旦城陷函首

送長安署為逆賊死有餘愧及今歸款猶為愈也崇禮

猶豫不決善與族人斬關納魏師崇禮出走追獲之丞

相泰進軍蒲坂畧定汾絳

五代志文城郡東魏置南汾州後周改為汾州絳郡後魏

置東雍州後周改為絳州

凡薛氏預開城之謀者皆賜五等爵善曰

背逆歸順

背蒲翻

臣子常節豈容闔門大小俱叨封邑與

其弟慎固辭不受東魏行晉州事封祖業桑城走儀同

三司薛脩義追至洪洞

杜佑曰洪洞故城在平陽北四固重被控據要險劉昫曰晉州

洪洞縣古陽縣也隋義寧元年改曰洪洞取縣北洪洞嶺以名縣孫恒曰洞音同又徒弄翻

說祖業

還守

說式芮翻守手又翻下固守同

祖業不從脩義還據晉州安集固

守魏儀同三司長孫子彥引兵至城下脩義開門伏甲

以待之子彥不測虛實遂退走丞相歡以脩義為晉州

刺史

史言河東諸薛各行其志為東西魏宣力獨孤信至新安

新安縣漢屬弘農郡晉屬

河南尹魏天平初置新安郡屬洛州

高敖曹引兵北度河信逼洛陽洛州

刺史廣陽王湛棄城歸鄴信遂據金墉城孝武之西遷

也

西遷見上卷中大通六年

散騎常侍河東裴寬謂諸弟曰天子既

西吾不可以東附高氏帥家屬逃於大石嶺

水經注洛陽之南有

新城縣縣界有大石嶺來儒之水逕其南

獨孤信入洛乃出見之時洛陽荒

廢人士流散惟河東柳蚪在陽城

陽城縣漢屬潁川郡晉屬河南尹魏孝昌

二年置陽城郡屬洛州隋廢郡為陽城縣唐登封元年將有事嵩山改為告成縣我宋朝屬西京登封縣界

裴諏之在潁川信俱徵之以蚪為行臺郎中諏之為開

府屬

諏將侯翻又逡須翻

東魏潁州長史賀若統執刺史田迄舉

城降魏

魏收志天平初置潁州治長社城領許昌潁州陽翟郡武定七年改為鄭州賀若復姓魏書官

氏志內

入諸姓有賀若氏北俗謂翻魏都督梁迴入據其忠貞為賀若因以為氏若人者翻

城前通直散騎侍郎鄭偉起兵陳留攻東魏梁州執其

刺史鹿永吉

魏收志天平初置梁州治大梁城領陽夏開封陳留汝南潁川汝陽義陽新蔡初安

襄陽城

陽廣陵郡鹿姓也風俗通漢有巴郡太守鹿旗魏收官氏志阿鹿桓氏後改為鹿氏

前大司

馬從事中郎崔彥穆攻滎陽執其太守蘇淑與廣州長

史劉志皆降於魏

江翻偉先護之子也鄭先護見一百五十二卷大通

年二丞相泰以偉為北徐州刺史彥穆為滎陽太守十一

月東魏行臺任祥帥督將堯雄趙育是云寶攻潁川

帥讀

曰率將即亮翻

丞相泰使大都督宇文貴樂陵公遼西怡峯

怡峯姓

峯名峯遼西怡寬之子

將步騎二千救之軍至陽翟

陽翟縣漢屬潁川郡晉屬

河南尹後魏置陽翟郡九域志陽翟在長社西北九十里

雄等軍已去潁川三十里

言雄等軍逼潁川相去三十里

祥帥衆四萬繼其後諸將咸以為彼衆

我寡不可爭鋒貴曰雄等謂吾兵少必不敢進

少詩彼

與任祥合兵攻潁川城必危矣若賀若統陷沒吾輩坐

此何為今進據潁川有城可守又出其不意破之必矣

遂疾趨據潁川背城為陳以待

背蒲妹翻陳讀曰陣

雄等至合戰

大破之雄走趙育請降

降戶江翻下同

俘其士卒萬餘人悉縱

遣之任祥聞雄敗不敢進貴與怡峯乘勝逼之祥退保

宛陵

宛陵縣漢屬河南尹晉屬滎陽郡魏天平初分屬廣武郡隋開皇十六年并宛陵縣入新鄭

貴

追及擊之祥軍大敗是云寶殺其陽州刺史邢椿以州

降魏

魏收志天平初置陽州治宜陽領宜陽金門郡邢椿人姓名

魏以貴為開府儀

同三司是云寶趙育為車騎大將軍都督杜陵韋孝寬

攻東魏豫州拔之執其行臺馮邕孝寬名叔裕以字行

丙子東魏以驃騎大將軍儀同三司万俟普為太尉

司農張樂臯等聘於東魏

司農之下
恐有脫字

十二月魏行

臺楊白駒與東魏陽州刺史段榮戰於蓼塢

水經注蓼
水出河北

縣襄山蓼谷當時之人於此谷築塢因謂之
蓼塢漢書音義曰襄山在潼關北十餘里

魏師敗績

魏荊州刺史郭鸞攻東魏東荊州刺史清都慕容儼

東魏都鄴以魏
郡為清都尹

儼晝夜拒戰二百餘日乘間出擊鸞大

破之

開古
翻

時河南諸州多失守唯東荊獲金河間邢磨

納范陽盧仲禮仲禮從弟仲裕等皆起兵海隅以應魏

從才東魏濟州刺史高季式有部曲千餘人馬八百匹

用翻

鎧仗皆備

濟子禮翻鎧可亥翻

濮陽民杜靈椿等為盜聚衆近萬

人

濮博木翻近其僅翻

攻城剽野

剽匹妙翻

季式遣騎三百一戰擒之

又擊陽平賊路文徒等悉平之於是遠近肅清或謂季

式曰濮陽陽平乃畿內之郡

二郡東魏皆以屬司州故云然

不奉詔命

又不侵境

言無詔命使季式討賊而賊又不來侵濟州境

何急而使私軍遠戰


萬一失利豈不獲罪乎

季式所自養部曲不衣食於官故謂之私軍

季式曰

君何言之不忠也我與國家同安共危豈有見賊而不

討乎且賊知臺軍猝不能來又不疑外州有兵擊之乘其無備破之必矣以此獲罪吾亦無恨



資治通鑑卷一百五十七

欽定四庫全書

史部

資治通鑑卷一百五十九

詳校官修撰臣錢 榮

洗馬臣王坦修覆勘

總校官知縣臣楊懋珩

校對官中書臣葉 蘭

謄錄監生臣龔際美

欽定四庫全書

資治通鑑卷一百五十八

宋

司馬光

撰

胡三省

音註

梁紀十四

起者雍義祥盡開
建因數凡七年

高祖武皇帝十四

大同四年春正月辛酉朔日有食之

東魏碭郡獲巨

象送鄴

魏收志孝昌二年置碭郡治
下邑城屬徐州碭徙朗翻

丁卯大赦改元元

象

二月己亥上耕籍田

東魏大都督善無賀拔仁

攻魏南汾州刺史韋子粲降之

降戶江
下同

丞相泰滅子粲

之族東魏大行臺侯景等治兵於虎牢

治直
之翻

將復河南

諸州魏梁迴韋孝寬趙繼宗皆棄城西歸

梁迴在潁川
韋孝寬在汝

南未知趙繼宗
所棄何城也

侯景攻廣州未拔

廣州治
襄城

聞魏救兵將

至集諸將議之行洛州事盧勇請進觀形勢

東魏洛州
治洛陽諸

將即亮

乃帥百騎至大隗山

班志河南郡密縣有大隗
山魏收志密縣屬滎陽郡

五代志滎陽郡新城縣有大隗山帥讀
曰率騎奇寄翻魏同五賄翻又音歸

遇魏師日已暮

勇乃置幡旗於樹顛夜分騎為十隊鳴角直前擒魏儀

同三司關

程華斬儀同三司王征蠻而

還

還從宣翻又如字

廣州守將駱超遂以城降東魏丞相歡以

勇行廣州事勇辯之從弟也

盧辯仕於西魏而勇仕於東魏從才用翻於是

南汾潁豫廣四州復入東魏

考異曰典畧侯景克廣州在十一月按北史魏文

帝紀二月東魏陷南汾潁豫廣四州今從之

初柔然頭兵可汗始得返國

事見一百四十九卷普通二年可從刊入聲汗音寒

事魏盡禮及永安以後雄據

北方禮漸驕倨雖信使不絕不復稱臣

使疏吏翻下同復扶又翻頭

兵嘗至洛陽心慕中國乃置侍中黃門等官後得魏汝

陽王典籤淳于覃親寵任事以為祕書監使典文翰及

兩魏分裂頭兵轉不遜數為邊患

數所角翻

魏丞相泰以新

都關中方有事山東欲結婚以撫之以舍人元翌女為

化政公主妻頭兵弟塔寒

妻七細翻

又言於魏主請廢乙弗

后納頭兵之女甲辰以乙弗后為尼

魏立乙弗后見上卷大同元年

使

扶風王孚迎頭兵女為后頭兵遂留東魏使者元整不

報其使 三月辛酉東魏丞相歡以沙苑之敗

敗見上卷上年

請解大丞相詔許之頃之復故

考異曰北齊帝紀止有高祖解丞相年月而

無復故之文按興和元年議歷有丞相田
曹參軍信都芳蓋因卽山之捷而復也

柔然送悼后

於魏

郁久閭后諡曰悼

車七百乘馬萬匹駝二千頭至黑鹽池

唐志鹽州五原縣有烏池白池烏池蓋卽黑鹽池也乘繩證翻

遇魏所遣鹵簿儀衛柔

然營幕戶席皆東向扶風王孚請正南面后曰我未見

魏主固柔然女也魏仗南面我自東向丙子立皇后郁

久閭氏丁丑大赦以王盟為司徒丞相泰朝於長安還

屯華州

朝直遙翻下同華戶化翻

夏四月庚寅東魏高歡朝於鄴

既解丞相遂不書官而書姓通鑑紀實非如春秋之有所褒貶也

壬辰還晉陽 五月

甲戌東魏遣兼散騎常侍鄭伯猷來聘

考異曰魏帝紀在二月丙辰

蓋始受命時也

今從梁帝紀

秋七月東魏荊州刺史王則寇淮南

此淮南謂光武弋陽之地在淮水上流之南非指古淮南郡治壽春之淮南

癸亥詔以東

冶徒李膺之得如來舍利大赦

如來猶言佛也

東魏侯景高

敖曹等圍獨孤信于金墉太師歡帥大軍繼之

帥讀曰率下同

景悉燒洛陽内外官寺民居存者什二三魏主將如洛

陽拜園陵

魏自孝文帝遷洛以後孝武帝西遷以前園陵皆在洛州

會信等告急遂

與丞相泰俱東命尚書左僕射周惠達輔太子欽守長

安開府儀同三司李弼車騎大將軍達奚武帥千騎為

前驅八月庚寅丞相泰至穀城

漢志河南郡有穀成縣師古注曰即今新安水

經注曰穀城縣城西臨穀水騎奇寄翻下同

侯景等欲整陳以待其至

陳讀曰陣

儀同三司太安莫多婁貸文請帥所部擊其前鋒

莫多婁

三字

景等固止之貸文勇而專不受命與可朱渾道元

以千騎前進夜遇李弼達奚武於孝水

五代志新安縣有孝水水經注

孝水出鹿山之陰北流注于穀在河南城西四十里

弼命軍士鼓譟曳柴揚塵貸

文走弼追斬之道元單騎獲免悉俘其眾送恒農

恒戶登翻

泰進軍瀋東

瀋水出河南穀城縣北山東與千金渠合又東過洛陽縣南又東過偃師縣又東入

洛

侯景等夜解圍去辛卯泰帥輕騎追景至河上景為

陳北據河橋南屬邙山

陳讀曰陣下陵陳置陳陷陳同屬之欲翻景置陳北據河橋者

慮兵有利鈍先保固其北歸之路也南屬邙山可以見其兵多矣景軍參用馬步其置陣堅固宇文泰以輕騎來見其陣勢如此斂兵不進可也遽前合戰亦屢勝而驕耳與泰合戰泰馬中流矢

驚逸遂失所之泰墜地東魏兵追及之左右皆散都督

李穆下馬以策扶泰背罵曰籠東軍士

扶丑栗翻打也荀子曰仁人之

兵當之者潰觸之者角摧案角鹿垂隴種東籠而退耳楊倞注曰其義未詳蓋皆摧敗披靡之貌陸德明曰東

籠沾濕貌也如衣服之沾濕然

爾曹主何在而獨留此追者不疑其貴

人捨之而過穆以馬授泰與之俱逸魏兵復振擊東魏

兵大破之

宇文泰先以輕騎合戰而不利大兵繼至軍勢復振故大破東魏

東魏兵北

走京兆忠武公高敖曹意輕泰建旗蓋以陵陳魏人盡

銳攻之一軍皆沒敖曹單騎走投河陽南城

河陽南城在河橋南

岸北岸即北中城

守將北豫州刺史高永樂歡之從祖兄子也

樂音洛從才用翻下其從同

與敖曹有怨閉門不受敖曹仰呼求繩

不得拔刀穿闔未徹而追兵至

杜預曰闔門扇也未徹未透也徹教列翻

曹伏橋下追者見其從奴持金帶

從才用翻

問教曹所在奴

指示之教曹知不免奮頭曰來與汝開國公

言得其頭西魏將以

開國賞之也

追者斬其首去高歡聞之如喪肝膽

喪息浪翻

杖高

永樂二百贈教曹太師大司馬太尉泰賞殺教曹者布

絹萬段歲歲稍與之比及周亡猶未能足

比必利翻

魏又殺

東魏西兗州刺史宋顯等虜甲士萬五千人赴河死者

以萬數初歡以万俟普尊老

爵尊而齒老也万莫北翻俟渠之翻

特禮之

嘗親扶上馬其子洛免冠稽首曰

上時掌翻稽音啟

願出死力

以報深恩及却山之戰諸軍北度橋

北度河橋也

洛獨勒兵

不動謂魏人曰万俟受洛干在此能來可來也魏人畏

之而去歡名其所營地為回洛

唐志河陽關南有回洛故城

是日東

西魏置陳既大首尾懸遠從旦至未戰數十合

史言兩軍確鬪

氛霧四塞

塞悉則翻

莫能相知魏獨孤信李遠居右趙貴怡

峯居左戰並不利又未知魏主及丞相泰所在皆棄其

卒先歸開府儀同三司李虎念賢等為後軍見信等退

即與俱去泰由是燒營而歸留儀同三司長孫子彥守

金墉王思政下馬舉長稍左右橫擊一舉輒踣數人

稍色

角翻踣
蒲北翻

陷陳既深從者盡死思政被重創悶絕會日暮

敵亦收兵思政每戰常著破衣弊甲

從才用翻被皮義
翻創初良翻下畏

創同著
陟畧翻

敵不知其將帥故得免

將即亮翻
帥所類翻

帳下督雷五

安於戰處哭求思政會其已蘇割衣裏創扶思政上馬

夜久始得還營平東將軍蔡祐下馬步鬪左右勸乘馬

以備倉猝

謂兵有邂逅乘馬
則倉猝可以奔馳

祐怒曰丞相愛我如子今

日豈惜生乎帥左右十餘人合聲大呼擊東魏兵殺傷

甚衆東魏圍之十餘重

帥讀曰率呼火故反重直龍翻

祐彎弓持滿四

面拒之東魏人募厚甲長刀者直進取之去祐可三十

步左右勸射之祐曰吾曹之命在此一矢豈可虛發將

至十步祐乃射之應弦而倒

射而亦翻

東魏兵稍却祐徐引

還魏主至恒農守將已棄城走所虜降卒在恒農者相

與閉門拒守

恒戶登翻將即亮翻降戶江翻

丞相泰攻拔之誅其魁首

數百人蔡祐追及泰於恒農夜見泰泰曰承先

蔡祐字承先

爾來吾無憂矣泰驚不得寢枕祐股然後安

史言泰氣衰膽失枕

之任

祐每從泰戰常為士卒先戰還諸將皆爭功祐終

無所言泰每嘆曰承先口不言勲我當代其論叙

史言蔡祐

沉勇不伐

泰留王思政鎮恒農除侍中東道行臺魏之東伐

關中留守兵少

少詩治翻

前後所虜東魏士卒散在民間聞

魏兵敗謀作亂李虎等至長安計無所出與太尉王盟

僕射周惠達等奉太子欽出屯渭北百姓互相剽掠關

中大擾

剽反

於是沙苑所虜東魏都督趙青雀雍州民

于伏德等遂反據長安子城伏德保咸陽

雍於用翻後魏置咸陽郡

於石安縣石安漢渭城縣秦之咸陽也石勒
改曰石安五代志京兆渭陽縣舊置咸陽郡與咸陽太

守慕容思慶各收降卒以拒還兵

降卒東魏之卒降於西魏散在民間者也

降戶江翻

長安大城民相帥以拒青雀日與之戰

帥讀曰率

大都

督侯莫陳順擊賊屢破之賊不敢出順崇之兄也扶風

公王羅鎮河東大開城門悉召軍士謂曰今聞大軍失

利青雀作亂諸人莫有固志王羅受委於此以死報恩

有能同心者可共固守必恐城陷任自出城衆感其言

皆無異志魏主留閼鄉

閼音旻

丞相泰以士馬疲弊不可

速進且謂青雀等烏合不能為患曰我至長安以輕騎

臨之必當面縛通直散騎常侍吳郡陸通諫曰

陸通本吳人曾

祖載從宋武帝入關及劉義真之敗沒於赫連遂居關中賊逆謀久定必無遷善之

心蜂蠆有毒

左傳臧文仲之言蠆丑邁翻

安可輕也且賊詐言東寇

將至

東寇謂東魏之兵

今若以輕騎臨之百姓謂為信然

以賊言為

信也益當驚擾今軍雖疲弊精銳尚多以明公之威總大

軍以臨之何憂不克泰從之引兵西入父老見泰至莫

不悲喜士女相賀華州刺史宇文導引兵入咸陽斬思

慶禽伏德南度渭與秦會攻青雀破之

華戶化翻

太保梁景

睿以疾留長安與青雀通謀秦殺之東魏太師歡自晉

陽將七千騎至孟津未濟聞魏師已遁遂濟河遣別將

追魏師至嶠

魏收志太和十一年置嶠縣屬恒農郡因嶠山以名縣隋并嶠縣入河南熊耳縣

程大昌曰三嶠山一名嶽蓋山元和志曰自東嶠至西嶠三十五里東嶠長阪數里峻阜絕澗車不得方軌西

嶠全是石阪十二里險不異東嶠此二嶠皆在秦關之東漢關之西

不及而還

還從宣翻又如字下

同歡攻金墉長孫子彥棄城走焚城中室屋俱盡歡毀

金墉而還東魏之遷鄴也

見一百五十六卷中大通六年

主客郎中裴

讓之留洛陽獨孤信之敗也

謂却山之敗信先棄軍西還

讓之弟諏

之隨丞相泰入關為大行臺倉曹郎中歡囚讓之兄弟

五人讓之曰昔諸葛亮兄弟事吳蜀各盡其心

謂亮事蜀理事

吳也況讓之老母在此不忠不孝必不為也明公推誠待

物物亦歸心若用猜忌去霸業遠矣歡皆釋之九月魏

主入長安丞相泰還屯華州

華戶化翻

東魏大都督賀拔

仁擊邢磨納盧仲禮等平之

磨納等起兵見上卷上年

盧景裕本儒

生太師歡釋之召館於家使教諸子景裕講論精微難

者或相詆訶大聲厲色言至不遜而景裕神采儼然風

調如一從容往復

難乃旦翻詆丁禮翻訶虎何翻調徒鈞翻從千容翻

無際可尋

性清靜歷官屢有進退無得失之色弊衣麤食恬然自

安終日端嚴如對賓客冬十月魏歸高敖曹竇泰莫

多婁貸文之首于東魏散騎常侍劉孝儀等聘於東

魏

散悲重翻騎奇寄翻

十二月魏是云竇襲洛陽東魏洛州刺

史王元軌棄城走都督趙剛襲廣州拔之於是自襄廣

以西城鎮復為魏

魏收志孝昌中置襄州領襄城舞陰南安期城北南陽建城郡五代志穎

川郡葉縣後齊置襄州
復扶又翻下系復同

魏自正光以後四方多事民

避賦役多為僧尼至二百萬人寺有三萬餘區至是東

魏始詔牧守令長擅立寺者計其功庸

守式又翻長知兩翻庸用也勞

也崔

以枉濫論

初魏伊川土豪李長壽為防蠻都督

五代志河南郡陸渾縣齊置伊川郡領南陸渾縣春秋時秦晉遷陸渾之戎於伊川故郡以為名伊闕以南大

山長谷蠻多居之魏置都督以防焉

積功至北華州刺史孝武帝西遷長

壽帥其徒拒東魏

華戶化翻帥讀曰率

魏以長壽為廣州刺史侯

景攻拔其壁殺之其子延孫復收集父兵以拒東魏魏

之貴臣廣陵王欣錄尚書長孫稚等皆攜家往依之

長知

兩翻

延孫資遣衛送使達關中東魏高歡患之數遣兵攻

延孫不能克

數所角反

魏以延孫為京南行臺節度河南諸

軍事廣州刺史

京南謂洛京以南也

延孫以澄清伊洛為已任魏

以延孫兵少

少詩洛翻

更以長壽之壻京兆韋灋保為東洛

州刺史

西魏洛州治上洛以洛陽之地為東洛州

配兵數百以助之灋保名

祐以字行既至與延孫連兵置柵於伏流

伏流城伊川郡治所隋改

南陸渾縣曰伏流水經注曰陸渾故城東南八十許里有三塗山伊水逕其下又東北逕伏流嶺東劉澄之永

初記稱伏流縣西有伏流阪者今山在縣南崖口北三千里許西則非也獨孤信之入洛陽

也欲繕修宮室使外兵郎中天水權景宣曹魏置二十

外兵都兵別兵元魏以帥徒兵三千出採運採運者使之採木運

後中兵外兵又分左右入洛陽會東魏兵至河南皆叛景宣間道西走間古與

李延孫相會攻孔城拔之魏收志天平中置新城郡治孔城屬北荊州五代志河南

郡伊闕縣舊曰新城置新城郡杜佑曰孔城防今伊洛關縣東南故城是又曰高齊置孔城行於壽安縣

陽以南尋亦西附丞相泰即留景宣守張白塢塢在宜陽西北

水經注河內軹縣有張白騎塢在淇水北原上據二溪之會北帶深隍三面阻險唯西面版築而已節度

東南諸軍應關西者是歲延孫為其長史楊伯蘭所殺

韋灋保即引兵據延孫之柵東魏將段琛等據宜陽

將即

亮翻琛
五林翻

遣陽州刺史牛道恒誘魏邊民

魏收志天平初
置陽州領宜陽

金門郡治宜陽恒
戶登翻誘音酉

魏南兖州刺史韋孝寬患之

按韋孝
寬傳時

西魏令孝寬領宜陽郡事遷南兖州刺史然南
兖州治譙城在東魏境內孝寬未能取其地也

乃詐為

道恒與孝寬書論歸款之意使諜人遺之於琛營

諜徒
協翻

遺如字
墜失也

琛果疑道恒孝寬乘其猜阻出兵襲之擒道恒

及琛峭澠遂清

峭澠峭山及澠
池也澠彌充翻

東道行臺王思政以王

壁險要

五代志絳郡稷山舊置勳州勳州即玉壁也杜佑曰稷山縣南十二里即玉壁城

請築

城自恒農徙鎮之詔加都督汾晉并州諸軍事并州刺

史行臺如故

東西魏蓋於汾州據險為界晉并皆入於東魏

東魏以高澄攝

吏部尚書始改崔亮年勞之制

崔亮制停年格見一百四十九卷天監十八年

銓擢賢能又沙汰尚書郎妙選人地以充之凡才名之

士雖未薦擢皆引致門下與之遊宴講論賦詩士大夫

以是稱之

史言高澄收拾人物以傾元氏

五年春正月乙卯以尚書左僕射蕭淵藻為中衛將軍

丹陽尹何敬容為尚書令吏部尚書張纘為僕射纘弘

策之子也

張弘策帝舅也佐帝創業

自晉宋以來宰相皆以文義自

逸敬容獨勤簿領日旰不休為時俗所嗤鄙

旰古按翻嗤丑之翻

自徐勉周捨既卒

普通五年周捨卒大同元年徐勉卒子恤翻

當權要者外

朝則何敬容內省則朱异

三公卿監尚書為外朝官門下省為內省朝直遙翻异羊

至翻敬容質慤無文以網維為已任异善伺候人主意為

阿諛用事三十年廣納貨賂欺罔視聽遠近莫不忿疾

園宅玩好飲膳聲色窮一時之盛每休下

休沐之日自省中出還私

第為休下伺相吏翻
好呼到翻下遐嫁翻

車馬填門唯王承王稚及褚翔不

往承稚暕之子

王暕儉之子帝用之
官至侍中尚書僕射

翔淵之曾孫也

褚淵

蕭齊
佐命

丁巳御史中丞參禮儀事賀琛奏南北二郊及

籍田往還並宜御輦不復乘輅詔從之祀宗廟仍乘玉

輦

駕馬為輅
駕人為輦

琛瑒之弟子也

瑒以儒學進瑒
姓者翻又音暢

辛酉

東魏以尚書令孫騰為司徒

辛未上祀南郊

魏丞

相泰於行臺置學取丞郎府佐德行明敏者充學生

行

孟

悉令旦治公務晚就講習

時就學者苟能以其所治
之事質之於經傳有所感

發此其所學之進又豈螢窗雪案
搜經摘傳者所能及邪治直之翻

東魏丞相歡歡以沙苑

之敗求自貶既復其
官史復以丞相書之

以徐州刺史房謨廣平太守羊敦

廣宗太守竇瑗

廣宗縣漢屬鉅鹿郡後屬安平國後魏太和二十一年立廣宗郡東魏屬司州

瑗于眷反

平原太守許惇有政績清能與諸刺史書褒稱謨

等以勸之夏五月甲戌東魏立丞相歡女為皇后乙

亥大赦魏以開府儀同三司李弼為司空秋七月

以扶風王孚為太尉九月甲子東魏發畿內十萬人

城鄴四十日罷冬十月癸亥以新宮成大赦改元興和

魏置紙筆於陽武門外以求得失 十一月乙亥東

魏使散騎常侍王元景魏收來聘 東魏人以正光歷

浸差

魏行正光歷見一百四十九卷普通三年

命校書郎李業興更加脩正

杜佑曰漢之蘭臺及後漢東觀皆藏書之室當時文學之士使讐校于其中故有校書之職盖有校書之任而未為官也故以郎居其任則謂之校書郎以郎中居其任則謂之校書郎中至後魏始置祕書校書郎以

甲子為元號曰興光歷既成行之 散騎常侍朱异奏

頃來置州稍廣而小大不倫請分為五品其位秩高卑

參僚多少皆以是為差

參僚即參佐

詔從之於是上品二十

州次品十州次品八州次品二十三州下品二十一州

時上方事征伐恢拓境宇北踰淮汝東距彭城西開牂

牁

牁音牁
牁音牁

南平俚洞

交廣界表俚人依阻深險各自為洞俚音里

紛綸甚衆

故異請分之其下品皆異國之人徒有州名而無土地

或因荒徼之民所居村落置州及郡縣刺史守令皆用

彼人為之

就彼土以土人為之徼吉弔翻

尚書不能悉領山川險遠職

貢罕通五品之外又有二十餘州不知處所凡一百七

州又以邊境鎮戍雖領民不多欲重其將帥皆建為郡

或一人領二三郡太守州郡雖多而戶口日耗矣

務廣地者

荒貪人有者殘信哉
將即亮翻帥所類翻

魏自西遷以來禮樂散逸丞相

泰命左僕射周惠達吏部郎中北海唐瑾損益舊章至

是稍備

瑾渠
各翻

六年春正月壬申東魏以廣平公庫狄干為太保 丁

丑東魏主入新宮

東魏作新宮於鄴
見上卷大同元年

大赦 魏扶風王

孚卒 二月己亥上耕籍田 魏鑄五銖錢 東魏大

行臺侯景出三鵝

杜佑曰三鵝在今汝州魯陽縣西南
十九里有平高城周以禦齊高齊於

縣東北十七里置魯城以禦周

將復荊州

三年西魏乘沙苑之敗取荊州

魏丞相泰遣

李弼獨孤信各將五千騎出武關景乃還

將即亮翻騎奇寄翻

魏文后既為尼居別宮

大通四年魏廢文后為尼尼女夷翻

悼后猶忌之

乃以其子武都王戊為秦州刺史使文后隨之官魏主

雖限以大計

謂以國事廢乙弗而立柔然女也

而恩好不忘

好呼到反

密令

養髮有追還之意

養羊尚翻

會柔然舉國渡河南侵

渡河南侵靈夏

時頗有言柔然以悼后故興師者帝曰豈有興百萬之

衆為一女子邪

為于偽翻

雖然致人此言朕亦何顏以見將

師

將即亮翻
帥所類翻

乃遣中常侍曹寵齎手敕賜文后自盡文

后泣謂寵曰願至尊千萬歲天下康寧死無恨也遂自

殺鑿麥積崖而葬之號曰寂陵夏丞相泰召諸軍屯沙

苑以備柔然右僕射周惠達發士馬守京城塹諸街巷

召雍州刺史王羆議之

塹七艷翻
雍於用翻

羆不應召謂使者曰

若蠕蠕至渭北者王羆自帥鄉里破之

王羆京兆人使
所吏翻蠕人充

翻帥讀
曰率

不煩國家兵馬何為天子城中作如此驚擾由

周家小兒恇怯致此

恇去
王翻

柔然至夏州而退未幾悼后

遇疾殂

幾居
豈翻

五月乙酉魏行臺宮延和陝州刺史宮

延慶降于東魏

陝式冉翻
降戶江翻

東魏以河北馬場為義州以

處之

按杜佑通典衛州汲郡古牧野之地魏孝文帝太和十七年徙代富於石濟之西故有河北馬場魏

收志是時置義州治汲郡陳城領五城義寧新安澠池恒農宜陽金門郡五代志汲郡汲縣東魏置義州僑置七郡二十八縣則七郡皆僑置於汲縣界又據朱元旭傳時分河內汲郡二郡界扶風之地立義州以置關西歸正之民後周武帝滅齊改義州為衛州治汲處昌呂翻

東魏陽州武公高永樂

卒

據北齊書高永樂封陽州縣公

閏月丁丑朔日有食之 己丑東

魏封皇兄景植為宜陽王皇弟威為清河王謙為潁川

王 六月壬子東魏華山王鷲卒

二年東魏以鷲為大司馬華戶化翻

秋七月丁亥東魏使兼散騎常侍李象等來聘 八月

戊午大赦 戊戌司空表昂卒遺疏不受贈諡敕諸子

勿上行狀及立銘誌

行狀狀其平生之行實上之于朝以請諡銘誌立碑於墓以傳後洪

适曰東漢自路都尉始建墓闕蓋表阡碑銘之濫觴也
有文而傳於今則自謁者景君墓表始君以安帝元初
元年卒齊葬穆妃議立石誌王儉以為非禮經所出元
嘉中顏延之輩為之遂相祖述爾任昉作文章緣起又
云墓碑自晉始予考鄺氏水經所載漢刻已不少後魏
與齊梁時相先後也豈碑碣多在北方南人未之見乎
然郭林宗傳云林宗既葬同志者立碑蔡邕為其文謂
盧植曰吾為碑銘多矣唯郭有道無愧色史稱王儉晉

宋以來故事該憶無遺范書所載豈不知之今漢人舊刻猶存數十百碑云始於晉宋非也行下孟翻上時掌

翻上不許贈本官諡穆正公 冬十一月魏太師念賢

卒 吐谷渾自莫折念生之亂不通於魏伏連籌卒子

夸呂立始稱可汗居伏俟城

五代志隋破吐谷渾以伏俟城置西海郡其地有西

王母石窟青海鹽池即在漢金城郡臨羗縣西北塞外王莽受卑和羗所獻地置西海郡者也北史伏俟城在青海西十五里吐從瞰入聲谷音浴可從刊入聲汗音寒其地東西三千里南北十

餘里官有王公僕射尚書郎中將軍之號是歲始遣使

假道柔然聘於東魏

使疏史反

七年春正月辛巳上祀南郊大赦辛丑祀明堂 宕昌

王梁公定為其下所殺弟彌定立

宕徒浪訥公許延翻考異曰梁帝紀作

彌秦今從典略

二月乙巳以彌定為河梁二州刺史宕昌王

辛亥上耕籍田

籍秦昔翻

魏幽州刺史順陽王仲景坐事

賜死

西魏無幽州意幽州也

三月魏夏州刺史劉平伏據上郡

反

魏收志上郡屬東夏州領石門固城縣隋志延安郡有固城縣夏戶雅翻

大都督于謹討

禽之

夏五月遣兼散騎常侍明少遐等聘於東魏

秋七月己卯東魏宜陽王景植卒

魏以侍中宇文測

為大都督行汾州事

五代志龍泉郡後周置汾州隋改隰州治隰川縣

測深之

兄也為政簡惠得士民心地接東魏

隰川東接東魏晉州界

東魏

人數來寇抄測禽獲之命解縛引與相見為設酒殷待

以客禮

數所角翻抄楚文翻為于偽翻

并給糧餼

餼許氣翻

衛送出境東魏

人大慙不復為寇

復扶又翻

汾晉之間遂通慶弔時論稱之

或告測交通境外者丞相泰怒曰測為我安邊我知其

志何得間我骨肉

間古覓翻

命斬之

魏丞相泰欲革易時

政為彊國富民之灋大行臺度支尚書兼司農卿蘇綽

盡其智能贊成其事減官員置二長

度徒洛翻長知兩翻下令長同

并

置屯田以資軍國又為六條詔書九月始奏行之一曰

清心二曰敦教化三曰盡地利四曰擢賢良五曰恤獄

訟六曰均賦役泰甚重之嘗置諸坐右

坐但卧翻

又令百司

習誦之其牧守令長非通六條及計帳不得居官

守式又翻

計帳見上卷

大同元年

東魏詔羣官於麟趾閣議定灋制謂之

麟趾格冬十月甲寅頒行之

乙巳東魏發夫五萬築

漳濱堰三十五日罷

十一月丙戌東魏以彭城王韶

為大尉度支尚書胡僧敬為司空僧敬名虔以字行國

珍之兄孫東魏主之舅也

胡國珍靈后之父

十二月東魏遣

兼散騎常侍李騫來聘

交趾李賁世為豪右仕不得

志有并韶者富於詞藻詣選求官吏部尚書蔡搏以并

姓無前賢除廣陽門郎

廣陽門建康城西南頭第一門姓譜并府盈翻搏祖本翻

韶恥之賁與韶還鄉里會交州刺史武林侯諮以刻暴

失衆心

沈約志永平郡有武林縣宋文帝立永平晉穆帝升平五年分蒼梧立

時賁監德

州

五代志日南郡梁置德州監工衙翻

因連結數州豪傑俱反諮輸賄于

賁奔還廣州上遣諮與高州刺史孫罔新州刺史盧子

雄將兵擊之

五代志梁大通中割耆州合浦縣立高州在隋海康縣界端州新興縣梁立新州將

即亮

諮恢之子也

鄱陽王恢上之弟也

是歲魏又益新制十二

條

宇文泰前已行二十四條今又益十二條故曰新制

東魏丞相歡以諸州調

絹不依舊式

調徒鈞翻謂尺度不依舊式也

民甚苦之奏令悉以四十

尺為匹魏自喪亂以來

謂孝昌以來也喪息浪翻

農商失業六鎮之

民相帥內徙就食齊晉歡因之以成霸業

事見一百五十五卷中大

通三年四年齊晉直謂春秋列國大界帥讀曰率

東西分裂連年戰爭河南州

郡鞠為茂草

小弁之詩曰踧踧周道鞠為茂草注云鞠窮也

公私困竭民多餓

死歡命諸州濱河及津梁

凡江河濟渡之處皆曰津橫絕水為橋以通往來曰梁

皆置倉積穀以相轉漕供軍旅備飢饉又於幽瀛滄青

四州傍海煮鹽軍國之費

傍步浪翻

粗得周贍

粗坐五翻贍而艷翻

至

是東方連歲大稔穀斛至九錢山東之民稍復蘇息矣

史言高歡於兵荒之餘能紓民力復扶又翻又如字

東魏尚書令高澄尚靜帝

妹馮翊長公主生子孝琬朝貴賀之

長知兩翻朝直遙翻

澄曰此

至尊之甥先賀至尊三日帝幸其第賜錦綵布絹萬匹

於是諸貴競致禮遺

遺于李反

貨滿十室

東魏臨淮王孝

友表曰令制百家為族二十五家為閭五家為比百家

之內有帥二十五徵發皆免苦樂不均羊少狼多復有

蠶食

使狼將羊羊雖衆終為狼所噬况羊少而狼多乎喻族帥並緣侵漁閭帥閭帥又侵漁比帥比帥又浸

漁其所領四家也比毘至翻帥所類翻樂音洛少詩治翻復扶又翻

此之為弊久矣京邑

諸坊或七八百家唯一里正二史庶事無關而况外州

乎請依舊置三正之名不改

三正即李冲建議所置三長

而每閭止

為二比計族省十一丁貲絹番兵所益甚多事下尚書

寢不行

贊謂討贊輸絹番兵謂番代為兵下選嫁翻

安成望族劉敬躬以

妖術惑衆人多信之

妖於驕翻史作敬官今從梁書考異曰南

八年春正月敬躬據郡反改元永漢署官屬進攻廬陵

逼豫章南方久不習兵人情擾駭豫章內史張綰募兵

以拒之綰續之弟也二月戊戌江州刺史湘東王繹遣

司馬王僧辯中兵曹子郢討敬躬受綰節度二月戊辰

擒敬躬送建康斬之僧辯神念之子也

天監七年王神念自魏來奔

該博辯捷器宇肅然雖射不穿札

左傳潘黨養由基搏甲而射之徹七札焉

編甲如櫛齒
相比曰札

而志氣高遠

魏初置六軍

夏四月丙

寅東魏使兼散騎常侍李繪來聘繪元忠之從子也

李元

忠勸成高歡討爾
朱之謀從才用翻

東魏丞相歡朝於鄴

朝直
遥翻

司徒孫

騰坐事免乙酉以彭城王韶錄尚書事侍中廣陽王湛

為太尉尚書右僕射高隆之為司徒初太尉尉景與丞

相歡同歸爾朱榮

見一百五十二
卷大通二年

其妻歡之姊也自恃

勲戚貪縱不瀆為有司所劾繫獄歡三詣闕泣請乃得

免死

史言高歡為是使勲貴知有
王法劾戶槩翻又戶得翻

丁亥降為驃騎大將

軍開府儀同三司

驃匹妙翻
騎奇寄翻

歡往造之景卧不起大叫

曰殺我時趣邪

造七到翻趣讀
曰促後趣之同

歡撫而拜謝之辛卯以

庫狄干為太傅以領軍將軍婁昭為大司馬封祖裔為

尚書右僕射六月甲辰歡還晉陽八月庚戌東魏以

開府儀同三司吏部尚書侯景為兼尚書僕射河南道

大行臺隨機防討

既委景以備梁魏又使討叛貳隨機
則便宜從事其任重矣為侯景叛東

魏張本

魏以王盟為太保東魏丞相歡擊魏入自汾

絳連營四十里丞相泰使王思政守玉壁以斷其道

斷音

短後於玉壁置勳州杜佑曰玉壁城在絳州稷山縣西南十二里

歡以書招思政曰若

降當授以并州

高歡以晉陽為根本并州之任要重於諸州降戶江翻

思政復書

曰可朱渾道元降

道元降見上卷元年

何以不得冬十月己亥歡

圍玉壁凡九日遇大雪士卒飢凍多死者遂解圍去魏

遣太子欽鎮蒲坂丞相泰出軍蒲坂至皂莢聞歡退度

汾追之不及十一月東魏以可朱渾道元為并州刺史

激于王思政之書也

十二月魏主狩於華陰大享將士丞相泰

帥諸將朝之

華戶化翻將即亮翻帥讀曰率朝直遙翻

起萬壽殿於沙苑北

辛亥東魏遣蕪散騎常侍楊斐來聘

考異曰典畧作陽斐今從魏

書紀

孫罔盧子雄討李賁以春瘡方起請待至秋廣州刺

史新渝侯映不許

吳立新渝縣屬安成郡渝當作喻

武林侯諮又趣之

罔等至合浦死者什六七

趣讀曰促瘡之亮翻熱病也南方瘡熱春氣深則瘡起染

之者必死軍行尤忌之

衆潰而歸映憺之子也

始興王憺上弟也憺徒敢翻又徒濫

翻武林侯諮奏罔及子雄與賊交通逗留不進敕於廣

州賜死子雄弟子略子烈主帥廣陵杜天合及弟僧明

新安周文育等帥子雄之衆攻廣州欲殺映諮為子雄

復寬

主帥所類翻等帥讀曰率下同為于偽翻

西江督護高要太守吳興陳

霸先帥精甲三千救之

高要縣漢屬蒼梧梁置高要郡隋為高要縣端州治所元和郡

縣志曰端州當西江口入廣西要道祝穆曰西江源出邕州經潯融象柳等州入封州界合桂江漢武帝自巴蜀發夜郎兵下牂柯江會番禺即此水蕭子顯曰廣州統內西南二江川源深遠別置督護專征討之任大

破子略等殺天合擒僧明文育霸先以僧明文育驍勇

過人釋之以為主帥

駢堅亮翻

詔以霸先為直閣將軍

陳霸先事

此始

魏丞相泰妻馮翊公主生子覺東魏以光州刺

史李元忠為侍中元忠雖處要任

處昌呂翻

不以物務干懷

唯飲酒自娛丞相歡欲用為僕射世子澄言其放達常
醉不可委以臺閣其子搔聞之請節酒

搔蘇
遭翻

元忠曰我

言作僕射不勝飲酒樂

樂音
洛

爾愛僕射宜勿飲酒

九年春正月壬戌東魏大赦改元武定東魏御史中

尉高仲密取吏部郎崔暹之妹既而棄之由是與暹有

隙仲密選用御史多其親戚鄉黨高澄奏令改選暹方

為澄所寵任仲密疑其構已愈恨之仲密後妻李氏艷

而慧

崔暹之妹既去李
氏繼室故曰後妻

澄見而悅之李氏不從衣服皆

裂以告仲密仲密益怨尋出為北豫州刺史

北豫州治虎牢

陰

謀外叛丞相歡疑之遣鎮城奚壽興典軍事

鎮城之職猶防城都

督

仲密但知民務仲密置酒延壽興伏壯士執之二月

壬申以虎牢叛降魏

降戶江翻

魏以仲密為侍中司徒歡以

仲密之叛由崔暹將殺之高澄匿暹為之固請

為于偽翻下為

之歎曰我勾其命

勾居大翻又居昌翻

須與苦手

言必痛杖之也

澄乃出暹

而謂大行臺都官郎陳元康曰卿使崔暹得杖勿復相

見

復扶又翻

元康為之言於歡曰

為于偽翻

大王方以天下付大

將軍大將軍有一崔暹不能免其杖父子尚爾況於他

人歡乃釋之高季式在永安戍

永安縣古飛邑也漢屬河東郡後漢順帝改曰

永安縣魏收志曰建義元年置永安郡治永安城屬晉州時季式罷晉州戍之隋廢永安郡改為霍邑縣

仲

密遣信報之季式走告歡歡待之如舊魏丞相泰帥諸

軍以應仲密

帥讀曰率

以太子少傅李遠為前驅至洛陽遣

開府儀同三司于謹攻柏谷拔之三月壬申圍河橋南

城東魏丞相歡將兵十萬至河北

將即亮翻

泰退軍灊上縱

火船於上流以燒河橋斛律金使行臺郎中張亮以小

艇百餘載長鎖伺火船將至以釘釘之

艇徒鼎翻小艇也伺相吏翻上

釘音丁下釘丁定翻

引鎖向岸橋遂獲全歡度河據卽山為陳不

進者數日泰留輜重於瀍曲

陳讀曰陣重直用翻瀍曲或作瀍西

夜登卽

山以襲歡候騎白歡曰賊距此四十餘里蓐食乾飯而

來歡曰自當渴死乃正陣以待之

歡欲堅陣以待之待其疲渴而後戰故云

然乾音干

戊申黎明泰軍與歡軍遇東魏彭樂以數千騎為

右甄

甄稽延翻

衝魏軍之北垂所向奔潰遂馳入魏營人告

彭樂叛歡甚怒俄而西北塵起樂使來告捷

使所吏翻

虜魏

侍中開府儀同三司大都督臨洮王東蜀郡王榮宗江

夏王昇鉅鹿王闡譙郡王亮詹事趙善及督將僚佐四

十八人

夏戶雅翻

諸將乘勝擊魏大破之斬首三萬餘級

洮土

刀翻將即亮翻

考異曰北齊書

云俘斬六萬級今從北史彭樂傳歡使彭樂追泰泰窘

窘巨隕翻

謂樂曰汝非彭樂邪癡男子今日無我明日豈有

汝邪何不急還營收汝金寶樂從其言獲泰金帶一囊

以歸言於歡曰黑獺漏刃破膽矣歡雖喜其勝而怒其

失泰令伏諸地親捽其頭連頓之

捽昨沒翻捽持其髻也

并數以

沙苑之敗

事見上卷三年數所具翻

舉刃將下者三噤斷良久

噤斷切齒

怒也噤直禁翻亦作類斷胡介翻

樂曰乞五千騎復為王取之

復扶又翻為于

偽翻歡曰汝縱之何意而言復取邪

復扶又翻下日復同

命取絹三

千匹壓樂背因以賜之

為歡屬其子澄令防彭樂張本

明日復戰泰為

中軍中山公趙貴為左軍領軍若于惠等為右軍

令狐德榮

曰若于之先與魏俱起以國為姓魏書官氏志內入諸姓有若乎氏乎作于孫恂曰若人者翻

中軍右

軍合擊東魏大破之悉俘其步卒歡失馬赫連陽順下

馬以授歡歡上馬走從者步騎七人

上時掌翻從才用翻

追兵至

親信都督尉興慶曰王速去興慶腰有百箭足殺百人

歡曰事濟以爾為懷州刺史

魏收志天安二年置懷州於河內太和八年罷天平

初復置領河內武德二郡

若死用爾子興慶曰兒少願用兄歡許之

少詩治翻

興慶拒戰矢盡而死

考異曰典畧作尉興敬今從北齊書北史

東魏

軍士有逃奔魏者告以歡所在

考異曰周賀拔勝傳云太祖見齊神武旗鼓

識之今從典畧

泰募勇敢三千人皆執短兵配大都督賀拔勝

以攻之勝識歡於行間

行戶剛翻

執槊與十三騎逐之馳數

里槊刃垂及

梁色角翻

因字之曰賀六渾賀拔破胡必殺汝

歡氣殆絕河州刺史劉洪徽從旁射勝中其二騎

河州時屬

西魏境東魏使劉洪徽遙領刺史耳射而亦翻下同中竹仲翻

武衛將軍段韶射勝馬

斃之比副馬至

比必利翻

歡已逸去勝歎曰今日不執弓矢

天也魏南郢州刺史耿令貴大呼獨入敵中

魏收志梁置南郢州

治赤石關領定城光城邊城郡五代志光州定城縣後齊置南郢州非西魏境也耿令貴亦遙領刺史耳呼火

故翻鋒刃亂下人皆謂已死俄奮刀而還

還從宣翻又如字

如是

數四當令貴前者死傷相繼乃謂左右曰吾豈樂殺人

樂音洛

壯士除賊不得不爾若不能殺賊又不為賊所傷

何異逐坐人也

逐坐人指當時持文墨議論者但能相隨逐坐談而坐食也

左軍趙

貴等五將戰不利東魏兵復振

復扶又翻

泰與戰又不利會

日暮魏兵遂遁東魏兵追之獨孤信于謹收散卒自後

擊之追兵驚擾魏諸軍由是得全若于惠夜引去東魏

兵追之惠徐下馬顧命厨人營食食畢謂左右曰長安

死此中死有以異乎乃建旗鳴角收散卒徐還追騎疑

有伏兵不敢逼泰遂入關屯渭上歡進至陝

陝失冉翻

泰遣

開府儀同三司達奚武等拒之行臺郎中封子繪言於

歡曰混壹東西正在今日昔魏太祖平漢中不乘勝取

巴蜀

事見六十七卷漢獻帝建安二十年

失在遲疑後悔無及願大王不

以為疑歡深然之集諸將議進止咸以為野無青草人

馬疲瘦不可遠追陳元康曰兩雄交爭歲月已久今幸

而大捷天授我也時不可失當乘勝追之歡曰若遇伏

兵孤何以濟元康曰王前沙苑失利彼尚無伏今奔敗

若此何能遠謀若捨而不追必成後患歡不從

為歡悔不用陳

元康之言張本余謂邛山之戰蓋俱傷而兩敗字文泰雖力屈而遁高歡之氣亦衰矣安敢復深入乎

使

劉豐生將數千騎追泰遂東歸泰召王思政於玉壁將

使鎮虎牢未至而泰敗乃使守恒農

恒戶登翻

思政入城令

開門解衣而卧慰勉將士示不足畏後數日劉豐生至

城下憚之不敢進引軍還思政乃脩城郭起樓櫓營農

田積芻粟由是恒農始有守禦之備丞相泰求自貶魏

主不許是役也魏諸將皆無功唯耿令貴與太子武衛

率王胡仁

魏蓋改東宮武衛將軍為武衛率

都督王文達力戰功多泰

欲以雍岐北雍三州授之以州有優劣使探籌取之

雍於

用翻探吐南翻

仍賜胡仁名勇令貴名豪文達名傑用彰其功

於是廣募關隴豪右以增軍旅高仲密之將叛也陰遣

人扇動冀州豪傑使為內應

高乾兄弟本起兵於信都仲密故扇動其豪傑使為

應於河北

東魏遣高隆之馳驛慰撫由是得安高澄密書與

隆之曰仲密枝黨與之俱西者宜悉收其家屬以懲將

來隆之以為恩旨既行理無追改若復收治

復扶又翻治直之翻

示民不信脫使驚擾所虧不細乃啟丞相歡而罷之

以太子詹事謝舉為尚書僕射夏四月林邑王攻李

責責將范修破林邑於九德

吳分九真立九德郡五代志曰日南郡九德縣梁置

德州將即亮翻

清水氏苜李鼠仁

清水縣漢屬天水郡晉屬畧陽郡五代志曰後魏置

清水郡隋廢郡為縣屬秦州苜慈秋翻

乘魏之敗據險作亂隴右大都督

獨孤信屢遣軍擊之不克丞相泰遣典籤天水趙昶往

諭之諸酋長聚議

長知兩翻

或從或否其不從者欲加刃於

昶昶神色自若辭氣逾厲鼠仁感悟遂相帥降

帥讀曰率降戶

江氏苜梁道顯叛泰復遣昶諭降之

苜慈秋翻復扶又翻下州復同徒

其豪帥四千餘人并部落於華州

帥所類翻華戶化翻

泰即以昶

為都督使領之泰使諜潛入虎牢令守將魏光固守

諜徒協翻
將即亮翻

侯景獲之改其書云宜速去縱諜入城光宵

遁景獲高仲密妻子送鄴北豫洛二州復入於東魏五

月壬辰東魏以克復虎牢降死罪以下囚唯不赦高仲

密家丞相歡以高乾有義勲謂起兵於信
都以奉歡也高昂死王事

謂戰死于
河陽也

季式先自告

謂先自永安
戍奔告歡也

皆為之請免其從

坐偽翻仲密妻李氏當死高澄盛服見之曰今日何如

李氏默然遂納之高澄以漁色使宗勲外叛其父樂死
于兵長惡不悛銜服以誘納之他日

楊燕之禍叔侄相屠
繫由李氏豈天也邪

乙未以侯景為司空

賞平虎牢之功也

秋七月魏大赦以王盟為太傅廣平王贊為司空 八

月乙丑東魏以汾州刺史斛律金為大司馬東魏遣兼

散騎常侍李渾等來聘 冬十一月甲午東魏主狩于

西山

鄴西無山蓋邯鄲之西山也

乙巳還宮高澄啟解侍中東魏主

以其弟并州刺史太原公洋代之丞相歡築長城於肆

州北山西自馬陵東至土塔

馬陵蓋東魏置戍之地九域志代州崞縣有土塔寨

澄北史作隆
音士鄧翻

四十日罷

魏諸牧守共謁丞相泰泰命

河北太守裴俠別立

魏收志河北郡屬陝州本漢晉河東郡之河北縣地也隋廢郡復為

縣屬河東郡守式又翻俠戶頰翻

謂諸牧守曰裴俠清慎奉公為天下

最有如俠者可與俱立衆默然無敢應者泰乃厚賜俠

朝野歎服號為獨立君

朝直遙翻下同

十年春正月李賁自稱越帝置百官改元大德 三月

癸巳東魏丞相歡巡行冀定二州

行下孟翻

校河北戶口損

益因朝于鄴 甲午上幸蘭陵謁建寧陵使太子入守

京城辛丑謁修陵

晉置南東海郡於京口建蘭陵郡於延陵建寧陵梁紀曰建陵皇妣張皇

后陵也修陵皇
后郝氏陵也

丙午東魏以開府儀同三司孫騰為

太保

已酉上幸京口城北固樓更名北顧

鎮江府圖經曰京口

城因山為壘緣江為境爾雅丘絕高曰京故曰京口又
府治東五里有京峴山京口得名以此北固山在府北
一里迴嶺下臨長江即府治所據及甘泉寺基蕭正義
傳曰京城之西有別嶺入江高數十丈三面臨水號曰
北固蔡謨起樓其上以置軍實帝登望久之曰此嶺
下足須固守然於京口實乃壯觀於是改曰北顧

唐

戊辛回賓亭宴鄉里故老及所經近縣迎候者少長數

千人

少詩照翻長知兩翻

各賚錢二千

壬子東魏以高澄為大

將軍領中書監元弼為錄尚書事左僕射司馬子如為

尚書令侍中高洋為左僕射丞相歡多在晉陽孫騰司

馬子如高岳高隆之皆歡之親黨也委以朝政

朝直

鄴

中謂之四貴其權勢熏灼中外率多專恣驕貪歡欲損

奪其權故以澄為大將軍領中書監移門下機事總歸

中書

門下省衆事侍中給事中掌之今高歡移而總歸中書所以重澄之權

文武賞罰皆

稟於澄孫騰見澄不肯盡敬澄叱左右牽下於牀築以

刀環立之門外太原公洋於澄前拜高隆之呼為叔父

澄怒罵之

隆之本洛隆人歡命為弟故洋以叔父呼之

歡謂羣公曰兒子浸

長

長知兩翻

公宜避之於是公卿以下見澄無不聳懼庫狄

干澄姑之婿也

干娶歡妹

自定州來謁立於門外三日乃得

見澄欲置腹心於東魏主左右擢中兵參軍崔季舒為

中書侍郎澄每進書於帝有所諫請或文辭繁雜季舒

輒脩飾通之帝報澄父子之語常與季舒論之曰崔中

書我乳母也季舒挺之從子也

從才周翻

夏四月乙卯上

還自蘭陵

五月甲申朔魏丞相泰朝於長安

朝直遙翻

甲午東魏遣散騎常侍魏季景來聘季景收之族叔也

尚書令何敬容妻弟盜官米以書屬領軍河東王譽

屬之
欲翻

丁酉敬容坐免官

東魏廣陽王湛卒

魏琅琊

貞獻公賀拔勝諸子在東者丞相歡盡殺之

修却山勝
之怨也

憤恨發疾而卒丞相泰常謂人曰諸將對敵神色皆動

唯賀拔公臨陳如平時

陳讀
曰陣

真大勇也

秋七月魏更

權衡度量

更工
衡翻

命尚書蘇綽損益三十六條之制總為

五卷頒行之

二十四條并新制十二條總為三十
六條二十四條見上卷大同元年

搜簡

賢才為牧守令長皆依新制而遣焉

守手又翻
長知兩翻

數年之間

百姓便之 魏自正光以後政刑弛縱在位多貪汙丞

相歡啟以司州從事宋遊道為御史中尉

五代志後齊司州置牧屬

官有別駕從事史治中從事史

澄固請以吏部郎崔暹為之以遊道為

尚書左丞澄謂暹遊道曰卿一人處南臺一人處北省

處昌呂翻御史臺謂之南臺尚書省謂之北省杜佑曰御史臺在宮闕西南故名南臺尚書省在北故曰北省

當使天下肅然暹選畢義雲等為御史時稱得人義雲

衆敬之曾孫也

宋明帝初畢衆敬降魏

澄欲假暹威勢諸公在坐

坐祖卧翻

令暹後至通名高視徐步兩人挈裙而入澄分庭

對揖遲不讓而坐觴再行即辭去澄留之食遲曰適受
敕在臺檢校遂不待食而去澄降階送之他日澄與諸
公出之東山

時於鄴都治東山為遊晏之地

遇遲于道前驅為赤棒所

擊澄回馬避之尚書令司馬子如以丞相歡故人當重
任意氣自高與太師咸陽王坦黷貨無厭

厭於鹽翻

遲前後

彈子如坦及并州刺史可朱渾道元等罪狀無不極筆

宋遊道亦劾子如坦及太保孫騰司徒高隆之司空侯

景尚書元羨等

劾戶蓋翻又戶得翻

澄收子如繫獄一宿髮盡白

辭曰司馬子如從夏州策杖投相王

中大通四年歡破爾朱氏召子如於

南岐州蓋雍華路阻取道夏州東歸也夏戶雅翻

王給露車一乘

乘繩證翻

蓐犢牛

犢

蓐巨員翻曲角也犢音字

犢在道死唯蓐角存此外皆取之於人

丞相歡以書敕澄曰司馬令吾之故舊汝宜寬之澄駐

馬行街出子如脫其鎖子如懼曰非作事邪

懼澄殺之也

八

月癸酉削子如官爵九月甲申以濟陰王暉業為太尉

濟子禮翻

太師咸陽王坦以王還第

罷太師也

元羨等皆免官其

餘死黜者甚衆久之歡見子如哀其憔悴

憔悴秦醉翻

以

膝承其首親為擇蟲

為于偽翻
蟲色節翻

賜酒百餅羊五百口米

五百石

澄繩之以公法歡接之以舊恩
此其父子駕御勲貴之術也

高澄對諸貴極

言褒美崔暹且戒屬之

屬之
欲翻

丞相歡書與鄴下諸貴曰

崔暹居憲臺咸陽王司馬令皆吾布衣之舊尊貴親暱

無過二人

暱尼質翻
過工木翻

同時獲罪吾不能救諸君其慎之

宋遊道奏駁尚書違失數百條省中豪吏王儒之徒並

鞭斥之令僕已下皆側目

駁北
角翻

高隆之誣遊道有不臣

之言罪當死給事黃門侍郎楊愔曰畜狗求吠

愔於今
翻畜許

竹翻
養也

今以數吠殺之恐將來無復吠狗

復扶
又翻

遊道竟坐

除名澄謂遊道曰卿早從我向并州不爾彼經畧殺卿

遊道從澄至晉陽以為大行臺吏部

部下當
有郎字

己丑大

赦東魏以喪亂之後戶口失實徭賦不均

喪息
浪翻

冬十

月丁巳以太保孫騰大司徒高隆之

魏齊官制司徒未
嘗加大字衍

為括戶大使分行諸州

使疏吏翻
行下孟翻

得無籍之戶六十餘

萬僑居者皆勒還本屬十一月甲申以高隆之錄尚書

事以前大司馬婁昭為司徒 庚子東魏主祀圜丘

東魏丞相歡襲擊山胡破之

山胡即汾州山中稽胡也

俘萬餘戶分

配諸州

是歲東魏以散騎常侍魏收兼中書侍郎修

國史自梁魏通好

好呼到翻

魏書每云想彼境內寧靜此率

土安和上復書去彼字而已收始定書云想境內清晏

今萬里安和上亦效之

資治通鑑卷一百五十八